

نمونه انشا



(اثر)

(احمد عاصم بك)

{ مكافات ثانيه باقرار مجلس كبير معارف }

اشبو كتاب مكاتبه استعمال اولينق اوزره
مجلس مذکور طرفين تحسين اولمشدر

دارالشفقة لك دردنجى سپسندى تدریس اولينق اوزره
هيئت تدریسه اسلاميه طرفين انتخاب و قبول اولمشدر



(محمود بك) مطبعه بي — باب عالی جوارده ابو السعود جاده سنده

نومرو ۷۲

۱۳۰۷

نمونه انشا

بسم الله الرحمن الرحيم

حمد و ثناءى الهى و صلوات و سلام جناب رسالتپناهى
ودعوات مفروضه حضرت پادشاهى ادا قلندقدن
صكره حالا نظارت معارف عموميه ذات معاليسمات
آصفانه لريله موسى مشير مشترى تدبير فلاطون نظير
ولى نعم دولتلو صفوت پاشا وفقه الله تعالى فى نشر
المعارف على مامشى حضرتلرينك شعار همت و دنار
لطف و عنايت دستورانه لرى اوزره صحيفه پيراي
ظهور اولان بونجه آثار مقبوله ايچنده * هرچن كلسه
شماره كيسه كيسه سيم وزر * بعض كامل بعض ناقصدر
دكل جمله تمام) وفقنجه بواثر ناچيز دخى ترتيب
اوتقنده بولنان ايكي مرتبهده انشا رساله لرينك سهل
وساده مباحثك درجيله انلره نمونه اولدرق و خطيئاتي

کسمه به سرایت ایتماک اوزره دیکرک آئرندن اقتباس
واستعانه اولنیهرق قلمه النوب تقدیم عز حضور مکارم
نشورلری قلنمشدر . لکاتبه . انموزج الشی لا قدر یعیره
اذ لایغایر مافی الدن والجام

(معلوم اوله که اسنان استدیکنی سویلیه بیلیمک ایله
سائر جانلی حیوانلردن نصل آیرلش ایسه سویلیه جکنی
هرکسک بکنه جکی صورتده یازمه بیلنلر دخی یازمه میانلردن
اوقدر فرقیدر

فی سنه ۱۲۸۸

علم انشا استدیکنی مقبول اوله جبق طرز اوزره
یازمه بیلیمک قاعده لرندن عبارتدر .

علم انشا اوج شی اوزرینه بناء اولنمشدر . اولکی
اختراع مرهم . وایکنجی زیاده واتمام . واونجی
تنسیق کلامدر .

بونلرک هربری برمه جئده بیان اولنه جقد .

﴿ برنجی مبحث اختراع مرهم بیاننده در ﴾

اختراع مرهم برکسمه یازمه جفتی اولاکوزلجه دوشونوب

بيلمك وجهه سنى حاضرله مقدركه يازاركن اوزون
اوزادى يه دوشونوب سويليه جكي سوزلرده مناسب
بولق اچون زحمت چكمامكى اقتضا ايدر بوجهته
كشى كوزيله كوردىكنى وياخود بشقه درلو طويوب
اكلادىنى وايوجه بيلدىكنى البته بيلمياندن كوزل يازار
مثلا سور هايونى پدرينه مكتوب ايله بيلديره جك
بر چو جق دوكون يرنده كزمش وكوندز اوينايان
اويونلرى وچالينان موزيقي و غلبه لى وكيجه خيال
وفشك كى شيلرى كورمش وبونلره آيرى آيرى دقت
ايتمش اولميدر كه تفصيل ايله يازمه بياسون و برده يلان اولمىوب
طوسعاوغرى واولدىنى كى يازلق لازمدر كه هر كسك عننده
مقبول اولسون . مثلا بهارك وصفنده دىلدىكى كى :

اول بهارده قيش موسمنك شدتلى صغوقلرينه قور
كلهرك بلوطلردن آزار آزار ياغان يغمور ايله چاپرلر
اويانوب يشيل اوستنه نقش اولمش قماش كى درلو درلو
چيچكلرله طونانه رق طرف طرف كلر آچلمش ، ودره لر
جوش و خروشه كلش وقوشلرك جيولتيسى ايله اورمانلر
قهقهه ايدر كى طاتلى صدالر ايله طولمش ، وياوريلرى
ياننده حيوانات سوريلرى مرعالرله ياپامش ، وچفتجيلر

کلبه گوشه — نندن چقبوب صحرا یولنی طومش اولمغه ،
دنیا بر کوزل حاله کیرمشدرکه کویا باشند باشه
لطاقتدن عبارت اولمشدر .

— ایکنجی مبحث زیاده و اتمام بیاننده در —

زیاده و اتمام مقصود اولان معنایی چو غالتوب اوز اتمقدر
بودخی درت شی ایله حاصل اولور . تفصیل . تحلیل .
تمثیل . تعلیل . (تفصیل) بر حکایه و یا خود عادی بر
واقعده اوکجه اولان علامت و مقدمات . و اول
انسانده کی حالات . و صکره لازم کلان اثرلری
ونرمده ونه زمان و نصل اولدیغنی ترتیب اوزره بیان
ایله اولور ایسه ده فائده سی اولیان لقر دیارله اوز اتماملیدر
ا کر یازیلان مکتوب اولوبده کوندر یلان ذاتک زیاده
تفصیلاته آرزوسی اولورسه اوز اتمقده ضرر یوقدر .
نته کیم بر (توزیع مکافاة) مجلسنک تعریفی کبی .

بتون مکتبلرک تعطیل وقتی کلش اولمغه اجرا قلنان
امتحان ترتیبی اوزره توزیع مکافات رسمنک . فلان مکتب .
شاکردانی حقنده دخی اجرایی ضمننده ماه حالک

اوتجی پنجشنبه کونی ساعت بش راده لرنده اوزری
 سابیان ودرلو درلو چیچک وایراق ولوحه لره زینتلی
 مکتب مذکور حولیسندہ عقد اولنان جمعیتده هب طابه
 ایکی طرفلی یاپیلان محللرده حاضر و ترتیبلی طور دقلری
 حالده بعض وکلای فخام حضراتیله دیگر مکتبلر
 خواجه لری و سائر دعوتایلر مخصوص یرلرنده
 اوتوردق دقنصره مدیر مکتب اولاشوکتلو پادشاهمزک
 بورجلی اولدیغمز دعاسنی . وبعده موجود طلبه نك
 نه درلو ایلر ولدکارینی ودها ایلرو وارمق ایچون لازم
 کلان اسبابک بیاتی حاوی برنطق ایراد ایلمش . و آکا
 قارشولق طرف عالی نظارت پناهیدن غزته لرده صورتی
 باصلمش اولان جواب صواب اعطا بیورلمش اولمش
 اوزرینه هر صنفده . برنجی . وایکنجی . بولسانلر
 هدیه برر کتاب ایله شاد . واندنصره آلتی نفرک دخی
 اسملری یاد . و بوانشاده آره صره موزیقه ترنم و آهنگ
 ایلدیکی حالده نهایت مجلسده جمله طرفقدن دعوات
 مفروضه پادشاهی معروض بارگاه رب عباد قلنهرق
 جمعیه ختام ویریلوب شاکردانک کیمی ممنون و کیمی
 محزون محللرینه عودت ایتمشدر .

(تحلیل) بر قاج شیدن عبارت اولان بر لقر دینک اجزاسنی
صایمقدر بر یاره مز چو جفک وصفی صبی (یاره مز
چو جفک آناسندن باباسندن قور قیوب سوزلرینی دکه مدیکی
کبی قومشولرندن و کندی کبی چو جفلردن دخی اوتانمز .
و کندی نك ضرر و فائده سنی اصلا آرامز . اوستنی باشنی
یرنار کیرلتور . جام قیرار . آدم دوکر . فنا لقر دیلر ایله
خلقه سوکر . باباسی آناسی آدم اولمسندن امیدلرینی
کسرلر . وقومشولری دائما راحتسز اولوب شکایت
ایدر . کورنلر استکراه ایدوب یانندن قاجر . طیاق یر .
آزار ایشدر . حقارت کورر . عاقبت سفالته عمری
آخر اولوب ضایع اولسی شه سزدر .

(تمثیل) بر شینک نظیرینی و یا خود ضدینی بیان ایله
بر برینه تطبیق ایتمکدر تربیه لی چو جفک اشبو وصفی
کبی :

تربیه لی و ادیب چو حق قیرلرده کندی کندینه بیووب
داللری بوداقلری طاغلهش میوه سز دیکنلی آغا جلر کبی
فائده سز اولیوب . بفعله رده داللری بوداقلری کسامکله
غایت کوزل شکله کیرمش . و کرک کولکه و کرک اول
جنسندن اولان آغا جلردن دها بیوک ولذیذ و یردیکی

میوه سیله تلذذ اولنور فدانلر کبی اولمغله . اشبو تربیه
زمانی تلف ایدوب کچور ماملیدر .

(تعلیل) برشیك سبیلرینی واقتضاسنه کوره آنلرک
دخی سبیلرینی واول سبیلرک نه درلو تأثیر ایلدیکنی
بیاندر . مثال :

انسان بو دنیا یه بر فائده قزاق ایچون کلش اولوب
عمر عزیزک برشی بدلی اولدیغفسدن بوش یره بیوده
کچورمک عقله مناسب اولماق له فائده سز شیه اوغراشمق
حماقت علامتیدر .

— اوجنچی مبحث تنسیق کلام بیاننده در —

(تنسیق کلام) لقردی بی یز لویرینه قویوب نظام له مق
ایسته ده بوندن اول برطاق شرط لری واردر .

(ظهور معنی)

ایچنده هر کسک معناسنی بیله میه جکی لفظ بولما ملیدر .
(صحت املا)

هر لفظ سویلندیکی کبی یازلیوب قواعد مطابق
و علمانک اسنعمالنه موافق یازلملیدر . زیرا عوامک غلطاتی
املا ده حجت اوله مز .

(افاده)

كرك لفظده وكرك معناده تكرار اولمامليدر .

(سلاست)

قولالانيله جق لفظلري سويلمك دله كوچ كليوب
سويلمسي قولاي اولمليدر .

(مراعات ادب)

يازييله جق هر درلو مكتوبده كوندريله جك آدم تكدير
اولنه جق دخي اولسه يازان كنديني كوچك طوتوب
فنا وعيب اولان سوزلر يازمامليدر .

﴿ اصطلاح تخاطب ﴾

هر درلو كاغدهده ويريله جك ذاتك مرتبه سنه كوره
سوزلر و تعبيرات قولالانمليدر . برده ايكن درلودر بي سي دياري
مثلا (بن) ديه جك يرده استعمال اولنان تعبيرات
(ساده) محبكز . مخلصكنز . ثناكاركنز . ستايشوركنز .
ياخود جمله سنده (لري) .

(متوسط) قوللري . كوله لري . بنده لري . چا كر لري
(اعلى) بنده كينه لري . چا كر ديرينه لري . عبد
مملوك لري . چا كر خاكبرا برلري . بنده درمخريده لري

(علما و مشایخ جانبندن) داعیلری . احقرلری .
داعی کینهلری .

(سن) دیه جک یرده :
(ساده) ذاتکیز . ذات شریفکنز . جناب والاکنز
(متوسط) ذات عالیلری . جناب والالری . خاکبای
سامیلری .

(اعلی) ذات عالی کریمانهلری . جناب والای
روحپانهلری . خاکبای سامی منعمانهلری .

(وزیر اولورسه) خدیوانهلری . آصفانهلری .
دستورانهلری . مشیرانهلری .

(علمایه و مشایخه) ذات فاضلانهلری .

زاهدانهلری . مرشدانهلری .

(او) دیه جک یرده :

مزبور . مرقوم . مذکور . سالف الذکر .

مومی الیه . مشارالیه .

(پادشاهه مخصوص تعبیرات)

شاهانه . ملوکانه . شهنشاهی . جهانداری .

خلافتپناهی . ظل اللهی . شهریاری . تاجداری .

﴿ قواعد تنسيق ﴾

يازيله جق شيلرك هر برارچه تمام سوزينه (فقره)
دينلوب هر فقره دخى بر ويازياده جمله دن عبارتدر .
(جمله) تمام بر معنى اكلاشيلان لقرديدركه اندن
صكره بكله مك اقتضا ايتمز .

(جمله) دخى ايكي نوعدر برى اصل ومتبوع . واول
برى انك فرعى واكا تابعدر . اصل اولان جمله لرك
ايچنده دخى قنغيسنى سويلمك مراد ايسه اكا (مطلب)
تعبير اولنور مثلاً . صفت . و . سبب . و . مثال . كې
جمله لر . فرع ونابع . صايلور نته كيم .

دونكى كون بعض احباب ايله كيتديكمز سيري
ايكي طاعك اره سنده بيوك ووره طاشاق ايچنده
ايصمىز و غايت اوزون وصيق اغاجلر اورتمش قراكلق
قورقنچ بر محمل اولوب بياغى ير التده ايدينلقسمز هوا
آلمز مخزنده قالمش كې اولديغمىز دن اكلنه مدكدن بشقه
چكيلان زحمت وايديلان مصرفلره بيك كره پشيمان
اولدق . تركينده دونكى كسون بعض احبابله كيتدك .
جمله سى صفت . واندنصكره بر محمل اولوب . فقره سى
سبب . وقالمش كې اولدق فقره سى . مثال . اولديغندن

جمله تابعه دینور . و اكلنه مدك جمله سيله زخته
ومصرفلر . پشیمان اولدق جمله سی اصل ایسه ده مطلب
ایکنجیدر . داتما تابع اولان جمله لر اوکجه متبوع اولئر
صکره و مطاب اک صکره کلور کچن مثال کی . مثلاً
هوا بوزلدیغندن سـوقاغه حیقه مدم دیزلوب سـوقاغه
حیقه مدم هوا بوزلدیغندن دیزلمز .

بوققره ده بولنان جمله لر . وبرمرامده کی فقره لر بربرینه
ربط اولمایدیر . ربط ایکی و یا زیده جمله و فقره یی
برلقردی ایده جک صورتده بربرینه باغلمقدیر . مثلاً فلان
افدینک اوینه کیتدم . بوله مدم . کیرو دوندم . جمله لری
اوج فقره ایکن فلان اfdینک اوینه کتمش ایسه مده
بوله مدیغم دن کیرو دوندم . دایلدکده برلقردی اولور .

﴿ ربط ایچون قوالانیلان الفاظ رابطه مطاقه ﴾

(وب) که هر یرده وهر درلو کلمه ده استعمال اولئور
اوقویوب یازمق هرکسه لازمدر . کندی بیلدیکنه
کیدوب بیوکنک سـوزینی دکلہ میان بهره دار اولمز .
باغروب چاغرمغله ایش یاتمز . هم اوینایوب همده
چالشمایدر که کی اکر بر (ده) علاوه اولنوب (وبده)

کې استعمال اولنورسه عجله وبردنبره اولمق معناسنی افاده ایدر . دونکی کون اقشام اوزری کلوبده کورشمه دن کیده جک نه وار کبی .

وبعض کره سبب معناسنی دخی افاده ایدر . برقنا سوزایشیدوبده طارلمش ایسه حتی واردر کبی که ایشتیکنندن اوتوری دیمکدر .

(و) که کله لر وکلاملر اراسنده قولانیلور فلان وفلان چو جقلر درسلرینی یایما مشلر . وعاقبت امتحانده اک کیرو قالمشلردر .

(ایله) و (برله) بونلر مصدر یعنی ایتمک معناسنی اقتضا ایدن یرلرده قولانیلور هر زمان عاقبت کز خبرینی ارسال ایله یاخود برله ممنون ایلمکزی رجا ایدرم کبی .

﴿ رابطه سیمیه ﴾

سبیلری اصل جمله لره باغلر .

اولمغله . اولمسیه . اولمغین . سور هایبونده خدمتی سبقت ایتمش اولمغله بشنچی رتبه دن بر قطعه محیدی نشان ذیشانی ویرلمشدر .

بيلمامك انساني پك اوتاندېران شى اولمسيه هر كس
اراسنده اوتانماق ايچون اوكرنمكه غيرت ايتليدر .

قباحه كيمك اولدينى خواجه نك معلومى اولمغين
انى تكدير ايلدى كې .

اولديغندن . اولديغندن ناشى . ياخود . طولايى .
ياخود اولمقدن ناشى . طولايى .

(احمد بكك زياده هوسى اولديغندن شريكلا رندن
ايلرو كيتدى) سليمان افدينك سمى اوزاق اولديغندن
ناشى درسه يتشه مدي (فيضى ورمزى بككر بربرينه
خضم اولمقدن طولايى درسلاينه ياردم ايدرلر كې .

اولديى جهتله ملايسه ساييله . اجلدن . جهتدن ،
يلان سو يامك پك كوتى خوى اولدينى جهتله غايت
صاقنمايدر كې .

اولق جهتيله . حساييله . ساييله .
طاھر بك امتحانده برنجى چيقمق حساييله بر كتاب
هديه الدى كې .

اولسنه . ياخود ايدوكنه . مبنى . بناء .
حسين افدينك تنبل ايدوكنه مبنى هيچ بر درسى
كوزل اوقويه مدي كې .

﴿ برایش ایشامکه سبب ﴾

اولق اوزره . اولق ایچون .
بوماده معلومکز اولق ایچون شمیدین اخطاره
ابتدار قلندی . بر آن اول استانبوله کلک اوزره مکتوب
یازلدی کبی .

﴿ رابطه وقتیه ﴾

بر فقره زمانی اول فقرهیه ربط ایدر .
اولدقد . اولدقدنصکره . اولیجق . اولدیغده اولنجه
اولمی اوزرینه . اولدینی کبی .
صوچلی بر آدم عذر دیله دکده قبول ایتک مقتضای
انسانیتدر . درسنی از برلدکن صکره اوینا ملیدر .
برکسه دشمنه غالب اولیجق عفو ایتک هنردر .
برسوزی ایشتدیکنده بردن بره اینانوب الدائمیلیدر
خواجه اقتدی درسه باشلاینجه دقت ایله دکه ملیدر .
حسنک پدیری کلوب یالوارمی اوزرینه خواجه صوچنی
عفو ایتدی .

برشی درجه سنی کچدیکی کبی ایو ایهده فنا اولورکبی

﴿ رابطهٔ حالیه ﴾

لقردینک ایچنده اولان برشینک قلفنی بیان ایدن
جمله‌بی ربط ایدر . اوله‌رق . اولدینی حالده . اولمشیکن .
اولمقده ایکن . (بو ایکسی زمانده دخی مستعملدر)
بوهفته کلان عافیت خبرکزدن ممنون اوله‌رق جناب
حقه‌شکر لر قلنمشدر .

نه‌درجه بکلمکده اولدیفمز معلوم شریف‌ری اولدینی
حالده ینه مکتوبده امال ایلمکز مروتکزه لایق دکلدرد .
چوقدن بری مراقده قالمش ایکن بوهفته مکتوبکزی
الدق .

حمدی بک شبه‌لی اوطوروب دوشونمکده ایکن برنجی
چیقوبده کتاب النجه سوینه‌رک کتدی . کبی .

﴿ رابطهٔ شرطیه ﴾

برلقردینک اولمسی ویاخود اولماسی بشقه‌سنه محتاج
اولان یرلرده قولانیلور .

(ایسه) لفظیدرکه هر درلو کله‌یه علاوه اولنور
کلور ایسه . اناج ایسه . ممنون ایسه . بوهفته

مکتوب کلور ایسه بنده یازارم . اکر بو طبله اغاج
ایسه صویه باتمز . خدمتده ممنون ایسه دوام ایدر .
کبی . (ایسیدی) نعمتک قدر وشکرینی بیلسیدی شمدی
ضایع ایدوب پشیان اولمزدی کبی (اولنجه . اولدجه)
قیش کلنجه سوقاقلر چامور اولور . بر چوجق درسه
چالشدیقه هر کسدن التفات کورر . کبی .

﴿ رابطة تمثيلية ﴾

اولدینی کبی . اولدینی مثللو . اولدینی اوزره . تنبل
شاگرد برشی او کر نه میه جکی کبی هر درلو حقارته
دخی مستحق اولور . خست و بخل مدموم اخلاقدن
اولدینی مثللو . اسراف دخی ممدوح دکدر ،
معلوم عالی ولی النعمتلی بیورلدینی اوزره موسم شتا
کلش و بونک ایجاب ایدن زیاده مصرفه همت بیورملری
وجاسنه جستارت قلنمشدر کبی ،

﴿ رابطة ترقی و علاوه ﴾

اولمسیله برابر . اولدقدنبشقه . بر شاگردک استعدادی

اولسسیله برابر درسه اهتامی دخی اولورسه اقرانندن
عالی اولدقدن بشقه هر درلو سعادته مستحق اولور کی .
اشبو رابطه لرك بعضیسی بشقه سنك مقامنده قولالنیلوب
استعمالدن معلوم اولور .

ربط اولمش جمله لرله یازلمش کاغذلره (تحریرات) تسمیه
اولنور تحریرات دخی عرضحال ومکتوب وسنداته
منقسم اولغله هر بری بریابده بیان اولنه جقدر .

﴿ باب اول ﴾

(عرضحال بیاننده در)

عرضحال کوچك بر آدمك بریوك ذاتدن برشی استمك
ایچون یازدینی تحریراته دینور .

عرضحاله درت فقره لازمدرکه اکارکن دیرلر .

(تعریف نفس)

کندینك کیم اولدیفنی بیان ایتمکدر .

(استحقاق)

استدیکی شیئه کندینی حقلی کوسترمکدر

(استرحام)

یالوارمق و آجندیره جق سوزلر سویلما

(بیان مطلب)

استیلاَن شیءُ بیان ایلَمکدر .
اگر عرضحالِ یازان معلوم اِسه یالکز امضا یازیلوب
تعریف نفس رکنی اقتضا ایتمز .
واگر عرضحال قبولدرده شرعا ویا نظاما کوریله جک
عادی مصاحت ایچون اِسه استرحام واستحقاق فقره لری
لازم دکدر . یالکز تعریف نفس و بیان مطلب یازیلور
انجق ویریلان عرضحال پادشاهه ووالده سلطان حضر تلرینه
اولور اِسه اولنده برده دعا فقره سی لازمدر .
تعریف نفس فقره سی رابطه مطلقه دن (اولوب)
لفظیله واستحقاق واسترحام فقره لری رابطه سببیه دن
بریله ربط اولنوب بیان مطلبده دخی فلان خصوصنه
مساعده بیورلق باینده کبی ختام ویریلور .
انجق بعض کره استحقاق فقره سیله تعریف نفس دخی
اکلاشیلوب ایکسی بر فقره ایله ادا اولنور .

(باب اولك اوچ فصلی واردر)

﴿ فصل اول ﴾

(ركاب شاهانه يه وساثر خاندان شهنشاهی يه)

(عرض حال حقنده در)

﴿ ركاب شاهانه يه ﴾

برنجی فقره دعا .

تعریف نفس . بن مکتب طیبه طلبه سندم .

استحقاق . صویحه دولته خدمت استرز .

استرحام . اجرت ویرمکه قدرتمز یوقدر .

بیان مطلب . برادر مک مکتب سلطانی یه .

النمسی استرم .

حق سبحانه و تعالی حضر نلری

شو کتلو قدر تلو عظمتلو پادشاهمز اقدامزه تو کنمز

عمر وعافیت وسایه شاهانه لرنده بتون رعایا وبرایاسنه

رفا وسعادت احسان بیورسون قوللری مکتب

طیبه شاهانه نك طقوزنجی سنه شاگردانسن

اولوب بتون فاملیاجه خدمت دولت علیه ده بولنمق

زیاده امل وآرزومز اولمغله وحسب القدر اجرت ادا سنه

قدرتمز بولنامغله اون ایکی یاشنده کوجک برادر
فلان قوللرینک دخی سائر فقرا چوجقلرینک قبول
بیورلدینی کبی مکتب سلطانی به مرحله اچرتسز
النسی خصوصنده وکافه احوالده امر وفرمان شوکتلو
مهابتلو مرحمتلو ولی نعمتمز اقدمز حضرتلرینکدر .

(کذلک رکاب شاهانه به)

دعا .

تعریف نفس . بن خدمه شاهانه دن متوفی فلانک
اوغلویم .

استحقاق . پدرم امکدار . وبن امکدار زادهیم .
استرحام . کسه سز وعاجز قالدیم .

بیان مطلب . موزیقه هایون دائره سینه چراغ اولق
استرم .

جناب حق لایزال شهنشاه ملک خصال وشهریار دریا
نوال شوکتلو مهابتلو عظمتلو اقدمزی دنیا طور دجه
تحت هایوننده دائم ودولت واجلالی قپوسنده ملازم
ایلیه عبدکینه لری خدمه حضرت شاهانه لرندن فلان
اوغلی اولوب اوتوز سینه خدمت جلیله پادشاهیده

بولنه رق امكدار ايكن بو كرہ قوللريني بيكس ويچاره
 براقوب ومدار معيشت اوله جق هيچ برشي براقيوب
 وفات ايتمش وقوللري ايسه والدم جاريه لريله كچمكه
 مقتدر اوله ميه رق حالمز بك پريشان وزياده مرحته شايان
 بولنمش اولمغله قديمدن پرورده اولديغمز نعمت واحسان
 هايوندن محروم قالماق اوزره موزيقه هايون دائرة
 جليله سنه چراغ بيورلمقلم خصوصنه مساعده سنيه
 ملوكانه لري مبذول بيورلمق بابنده وهر حالده امر
 وفرمان ولطف واحسان قدرتلو عنايتلو ومرحتلو
 ولي نعمتمز پادشاهمز افندمز حضر تلرينكدر .

(ديكر)

دعا .

تعريف نفس . بن عساكر شاهانه يوزباشيلرنديم .
 استحقاق . اوتوز سنه دن بري خدمت دولتميم .
 استرحام . اختيار وعليل اولدم ونيم كيلره مرحت
 اولمقده در .

بيان مطلب . تكميل معاشمله تقاعدك استرم .
 جناب مالك الملك تعالى شانه حضر تلري
 شوكتلو قدرتلو عظمتلو مرحتلو پادشاه انجم سپاه

وشهریار فلک بارگاه اقدمزی وفورشان وشوکت
ومزید صحت ومسرت ایله ابدالاباد پیرایه تخت خلافت
بیورسون قوللری فلان الایک فلان طابورینک فلان
بلوکنک یوز باشیلرندن اولوب فلان نارنجده عسکرک
شرفی قزانمش وبونجه محاربه لرده ایفای حسن خدمت
ایدرك حسب القدر انجق یوزباشیلق رتبه سنه نائل اولمش
ومدت خدمت بنده کانه م اوتوز سنه وارمیش اولدیغندن
وسن عاجزانه م التمشه یتمش وچکدیکم محتلر ایله وجود
کمتراهم علیل وبی درمان وبوندن بویله ایفای وظیفه یه
قدرتسز قامش اولوب بومثللو بندگان حقنده الطاف
ومراحم سلطنت سنیه مبذول ایدوکنندن اولاد وعیان
قوللریله دعوات مفروضه حضرت پادشاهیلمینی فراغ
بال ایله ادا ایتک اوزره تمام معاش عاجزانه مله تقاعد
وجراغ بیورملقلم خصوصنه بیدریغ لطف ومرحمت
بیورملق بابنده وهر حالده

﴿ فصل ثانی ﴾

(وزرا ومأمورین وکبرایه عرضحال حقنده در)
بونلره ویریلان عرضحاللرده دعا ققره می رکن لازم

دکلسه ده یا اولنډه و یا خود دیگر مناسب بریرنده
کتور یله بیلور اکثر یا وفات و یا بر مصیبت سویلنه جک
اولسه اوراده دعا اولنقی آدابندر .

یاز یله جق کاغد ورقه صحیحه اوزرینه اولور ایسه
(عرضحال) وعادی کاغد ایله اولور ایسه (مذکره تعیر)
اولنور انجق مذکره رسما ممنوعدر .

کاغذک هیئت استعمالی معلمک افاده سنه حواله اولمشدره .

(باش وکالت مقام معلاسنه)

تعریف نفس . بن تجاردن فلانک اوغلویم .

استحقاق . مخرج اقلامدن چیقدم .

استرحام . سزک لطفکنز هر کسه وباخصوص بنم

کیلره مبذولدر .

بیان مطلب . حاله مناسب بر مأموریت استرم .

(عبد مملوک لری یاغ قپانی تجارندن فلان افدینک

مخدومی اولوب سایه معارفوایه حضرت پادشاهیده

مخرج اقلامده تحصیل هنر و معارف ایدرک باشهادتنامه

چیقدیغمه ولطف وعاطفت حضرت صدارت پناهیلری

بتون دنیایه وباخصوص قوللری کبی جزئی اهلیت

واستحقاق کسب ایدنلره مبذول وبیدریغ ایدوکنه بناء
درجه استعداد بندکانه مه کوره درسعادته مناسب
بر مأموریتله چراغ واحیا بیورملقلغم باینده وهر حالده
امروفرمان حضرت ولی الامر اقدمز کدر .

(کذلک)

تعریف نفس . بن فلان قضا مدیری ایدم .
استحقاق . هر مأموریتده کوزل خدمت ایدتم .
استرحام . عزل اولهلی چوق زمان اولوب ضرورته
دوچار اولدم .

بیان مطلب . فلان قضاسی مدیرلکنی استرم .
چاکر خا کبرابرلری فلان قضاسی مدیرلکندن حسب
القدر منفصل اولوب شمده قدر بولندیغم مأموریتلرده
ایفای حسن خدمته ذرهجه قصورم اولمدینی ومدت
انفصال عاجزانه خلیجه اوزایوب امر ادارهده دوچار
اولدیغم ضرورت مرحمت جلیله اصفانه لرینه شایسته
ایدوکی جهته فلان ولایتی والیسی دولتلو پاشا
حضرتلری طرفندن موعود اولوب یقینه آخیله جنی
استخبار اولنان فلان قضاسی مدیرلکنک عهده
عیدانه مه توجیه واجسانی خصوصنه بیدریغ لطف

وعنايت بيورلىق بابىندە وەر حالده امر وفرمان حضرت
من له الامر كدر .

﴿ طرف عاليٰ مشيختپناهي يه ﴾

دعا .

تعريف نفس . بن امتحان سابقده مدرس اولدم .

استحقاق . تدريس علوم ايله مشغولم .

استرحام . اهل وعيالمه ضرورت چكە يورم .

بيان مطلب . بنى فتواخانه يه مأمور ايدك .

جناب حق مسند طراز مشيخت عليا واملبخشاي
ارباب التجا اولان ذات عاليٰ فتواپناهيلىرىنى مظهر عمر و اقبال
جاودانى و سايه انداز جاه كامرانى بيورسون عبد
داعيلرى كچن امتحانده لطف وعنايتلىرى اثرى اوله رق
طريق تدريسە داخل ومن غير حد مذاكره علوم ايله
مشتغل اولوب اهل وعيالم قوللىرىنىك اداره سنى يتشه جك
معاشه نائل اوله مديقمندن ضرورت چكەمكده و جملة
حقنقه و باخصوص قوللىرى كچي اخص داعيان ايجون
دائما مبذول اولان مرحمت وعاطفت ولى التعميليرنى
بكل مكمده اولديغم معلوم والاي رحيانه لرى بيورلدقده

فتواخانه جلیله به مأمور و چراغ بیورلمقلغم بابنده وهر
حاله امر و فرمان .

(كذلك ذات والای فتوابناهی به)

تعریف نفس . فلان محکمه سی کاتبی ایدم .
استحقاق . اوتوز سنه دن زیاده خدمت ایتدم خسته
اولدقده کتابتی بشقه سنه ویردیلمر .

استرحام . اولادمله عاجز و علیل قالوب مرحمته شایانم .
بیان مطلب . بر مقدار معاشله تقاعدک استرم .

قوللری اوتوز سنه دن زیاده فلان محکمه سی کاتبی
اولوب بو آنه قدر ایفای حسن خدمت ایتمش ایسه مده
جناب حق افندمزی کمال عافیتله مسند معلای مشیخته
بردوام بیورسون مبتلا اولدیغم علت ایله دوامده واقع
اولان قصورم بهانه سیله خدمت کتاتبه بشقه سی
تعیین اولندیفی و قوللری ایسه برطاقم عجزه و بیوایه
اولاد و عیالمله بیکس و بی درمان و علیل و ذلیل قالدیرق
هر یوزدن مرحمت و عاطفته شایان و سزا اولدیغم
معلوم عالی ولی التعمیلری بیورلدقده صدقه حضرت
شهریاری اولیق اوزره بر مقدار معاشله متقاعد بیورلمقلغم

خصوصاً مساعدهٔ علیہ لری شیمۂ جلیلۂ عطوفت
و شفقت لری اقتضاسندن بولنمش اولغلہ اولبابدہ و ہر
حالدہ امر و فرمان .

(حربیہ نظارت جلیلہ سنہ)

تعریف نفس . بن مکتب حربیہ دن چیق دم .
استحقاق . اورویاہ کیدوب تحصیل ایت دم .
استرحام . قدرمہ اعتبار اولنمدی بغداد اور دوسنہ مأمور
اولندیغمدن پک زیادہ محزون اولدم .
بیان مطلب . امتحان اولنوب ترفیع رتبہ ایلہ استانبولہ
مناسب بر خدمت استرم .

بندۂ کینہ لری مکتب فنون حربیہ دہ تحصیل زمانی
تکمیل ایلہ امتحان اولنہ رق برنجی صنفدن شہادتنامہ
ایلہ چیقمش و سایۂ عنایتوایہ جناب ملوکانہ دہ زیادہ
کسب معلومات و مہارت ایچون اورویاہ کوندریلوب
اورادہ دخی کمال دوام و اقدام ایلہ امور عسکریہ بی تماماً
اوکرنمش ایسہ مدہ سوء طالعہ اقتضاسنجه منسوب
اولدیغم الایدہ قدر چا کرانہ مہ اعتبار اولنہ رق بغداد
اور دوسنہ تعیین بیورلش و بومعاملہ دن کمال درجہ یأس

و قسور ايله دريای حزن واضطرابه مستغرق اولمش
ایدو کمدن موافق رأی عالی آصفانه لری بیوریلورسه
قوللری امتحان بیوریلورق ظاهر اوله حق اهلیت
واستحقاق عاجزانه مه کوره رتبه حایه مک ترفیله
در سعادته مناسب بر خدمتک احسانی خصوصه مساعد
جلیله لری در کار بیوریلق باینده امر و فرمان.

— فصل ثالث —

(مصالح عادیه ایچون اولان عرض حال حقنددر)
یوقاروده بیان اولندی اوزره قبولرده کوریه جک
ایشلره دائر عرض حاللرده تعریف نفس رکنی لازم اولوب
برده مطلبی کوزلجه بیان کفایت ایدر سه ده اقتضا
ایتمه رک بعضاً استرحام فقره سی دخی یازیلور .

(باش وکالت مقام معلا سنه)

تعریف نفس . بن بروسه اهالیسندن وبقالم .
بیان مطلب . الا جفمک تحصیله دائر امر نامه ساهی استرم .
چا کر خا کبرابر لری بروسه اهالیسندن وبقال اصنافندن
اولوب ینه شهر مزبور اهالیسندن حمایجی علی اغا ذمتنده

دكاندن ساتون المش اولديني ارزاق بهاسندن الاجفم اولان
بيك بشيوز غروشي التي آيدن برى وىرميوب هراستدكجه
درلو درلو عذرلر ايله وقت بچورمكده اولديغىدن
وقوللرى ايسه فقرادن اولوب زياده بكممكه تحلم
اولديغىدن اغاى مرقومك مجلس حقوقه جليله محاكمه
اولنه رق مبالغ مرقومك تحصيلي خصوصى آمر خداوندكار
ولايت جايلاه سنده برقطعه امر نامه وكالتپناهيلرينك
تصدير واحسانى باینده امروفرمان حضرت ولى
الامر كدر.

بومثلوالاجق استدالرنده حكم مأمورينه ويريله جك
يعنى محاكمه تقديم اولنه جق ايسه قاج غروش اولديني
وندن الاجنى ايدوكى ونه شرطيله ويريله جكى ومدنى
يعنى نقدر زمانده ويرلمسى مشروط اولديني يازلق
لازمدر.

(ويركو امانت بهيه سنده)

تعريف نفس . بن يكي شهر قضاخانه تابع فلان قريه
اهاليسندىم .

بيان مطلب . يكي اچديغم اراضيه طابوسندى استرم .

بندہ لری یکی شهر قضاسی قریہ لرندن فلان قریہ
 اہالیسندن اولوب قریہ مزبورہ جوارندہ متصرف اولدیغم
 برقطعه چفتلک حدودینہ متصل اراضی امیرہ دن یوز
 و خالی محلدن سکز دونم مقداری یر والی دونم مقداری
 یرکہ جمعاً ایکی قطعه محلی یکیدن آچوب و مذکور
 چفتلک اراضیسنہ قاتوب اکمش اولدیغمدن بر موجبہ
 نظام عہدہ چاکرانہ یکیدن ایکی قطعه طابو
 سندینک اعطاسی خصوصندہ امر و ارادہ حضرت
 من لہ الامر کدر .

اراضیہ متعلق اولان استدعالردہ دخی حدودینی
 یعنی درت اطرافنی و مقدارینی و بعض صفتلرینی بیان
 ایتک لازمدر .

(اوقاف ہایون نظارت جلیلہ سنہ)

تعریف نفس . بن صحاف اصنافندم .
 بیان مطلب . الدیغم دکانک سندینک چاقق و یرلمسفی
 استرم .

بندہ کینہ لری صحاف اصنافندن اولوب چارشوی
 کبیردہ واقع محلودن کچن رجب شریفدہ المش
 اولدیغم فلان نومرولی بر باب صحاف دکانسک کرک

ذمتده جهت قرضدن التی آی وعده ایله مطلوب
عاجزانه اولان التمش بیک غروشک نصفی وعده
مذکوره حلونده ویرمش ایسهده اندن بری ارج آی
کچوب نه دیگر نصفی ونهده نظام موجبنجه لازم کلان
گذشته سنی ویرمیوب هر استدکجه درلو بهانه ایله وقت
کچیروب حق عاجزانهده غدر ایتک استدیکندن وبوکا
ایسه زمان معدات سنیه ومرت علیّه وکالتپناهیلری
قائل وراضی اولیه جغندن کیفیتک تجارتخانهده صرافان
قومیسویننه حواله سیله قالمش اولان مطلب عاجزانه مک
اوج آیلق گذشته سیله برابر تحصیل باینده وهر حالده
امر وفرمان ولطف بی پایان حضرت من له الامر کدر .

﴿ باب ثانی ﴾

(مکتوب بیاننده در)

مکتوب دخی ایکی درلودر بری خطابدرکه بشقه سنه
یکیدن برشی اکلانق ویا صورمقدر .
اول بری جوابدرکه بشقه سنک یازدینی مکتوبه
قارشولقدر ایکسینده دخی یازان ایله کوندردیکی آدم

یا مرتبه ده بر بریلہ برابر در و یا خود یازان دها بیوک و یا دها
کو چکدر .

یازان بیوک اولدینی صورتده دخی یا پادشاه اولور
و یا خود غیری اولور پادشاه اولورسه یازدینی کاغده خط
هایون و فرمان و برات و منشور تعیر اولنورکه بونلرک
مخصوص قلمی و طرز و اسلوبی واردر .

پادشاهک غیری دخی صدراعظم اولورایسه . امرنامه
سامی . و شیخ الاسلام اولوبده یازدینی محررات حاکم لک
نصبه دائر اولورسه مراسله دینور بونلردن بشقه
یازان کرک بیوک و کرک مساوی و یا کوچک اولسون
هم خطاب و هم جوابده و باش وکیل و شیخ الاسلام
حضراتی دخی ذکر اولنان رسمی تحریر اتدن بشقه
هر درلو تحریراتی یازده بیلور انجق هر برنده معامله
و تعیرات یازانک و کوندردیکی ذاتک قدرینه کوره در .
یازیله جق تحریرات بر مملکتدن دیگر مملکته اولورسه
. مکتوب . و اگر بر مملکت ایچنده اولان آدملردن
بر برینه اولورسه . تذکره . تعیر اولنور .

اشبو مکتوبلرک و تذکره نک یازلمسی و کاغدلرینک
قیرلمسی و ظر فلرنده اولان رسم و عادت تعریف ایله

خطاسز یاییله میه جفتشدن استادلرک تعلیمنه حواله اولتور .

هر رتبه اصحابنه مخصوص اولان القاب دخی سالنامه لرده اولمقله انکدخی تفصیلنه حاجت یوقدر مکتوب دخی تبریک و تشکر و توصیه و تعزیه و خلوص و خصوص واستعلام و اقرا با مکتوبنه منقسمدر بو اقسامک هر بری بر فصلده بیان اولتور .

تذکره دخی خصوص والتاس و دعوته منقسمدر بودخی تذیل اوله رق مکتوبلر دنصکره ذکر اولنه جقدر .

﴿ فصل اول ﴾

(تبریک حقنده)

تبریک . برشی حقنده اوغورلی و مبارک اولسون دیو یازیلان تحریراته دینور .

اکثریا اوج نوع شی ایچون یازیلور . رتبه . و . منصب . و . قدوم . و . زمان . بونلرک هر برینک بشقه بشقه رکنی واردر .

رتبه . و . منصب . تبریکنده هر کس استدیکنی یازه ییلور سده علم انشا قواعدینه کوره رکنی التیدر .

مقدمه تبریک . اصل مطلبی سويلمزدن اول اكا
مناسب برفقره .

تحميد . تبریک اوله حق شیدن طولای جناب حقه
شکر ایتک .

بو ایکی رکن هر حالده لازم اولیوب ترکی دخی جاژدر .
بیان استیال . مکتوب کوندریلان ذاتی تبریک
اوله حق شیئه لایق کوسترمک اشبو رکن بعض مقدمه
درونده سبب صورتنده ایراد اولنور .

بودخی اول ذاتک عقلی ومعلوماتی اولسی وبادشاهک
اکا لطف مخصوصی سبیلرندن عبارتدر .

اظهار مسرت . تبریک اولنان شیدن سوندیکی
وسومنه نک سبی بیان ایتک .
تعظیم ایله دعا .

رجای محبت . بوفقره یالکز تبریکده اولیوب هر درلو
مکتوبده لازم اوله رق مکتوب بونکله تکمیل ایدیلورسه ده
یا زانک وکوندریلان ذاتک رتبه وقدرینه کوره تعییراتی
دکیشور .

مثلا اقراندن بربرینه محبت واول معنایه اولان و داد
وموالات ومخادنت کی لفظلرله توجهات سئیه ویا بهیه

ويا کریمانہ لرینک بقاسنی تئی ایدرم اولنابده ویا خود بقاسی
باینده اراده افندمکدر دینیلور .

وا کر یازان کچوک اولور ایسه محبت یرینه لطف
وعاطفت ومحاسن توجهات علیه لرینی استعدا ایدرم
کبی تعیر یازیلور (واکر بیوک اولورسه خیر دعا
وحب وولا وتوجهات قلبیه وفوادیه لرینی نیاز ایدرم
معناسه فقره لرکتوریلور) اشبو رکنلرک بو وجهله
ترتیبی یعنی بللو یرلری اولیوب یاقشدیغنه کوره یوقاری
واشاغی یازیله بیلدیکی کبی بیوکلره رسمی اولان تبریک
اولیوبده تکلیفسز احبابه واقربایه اولان تبریکلرده
ارکان معتبره کتورلدکنصکره فضلله اوله رق کاتب استدیکنی
دخی یازه بیلور .

(تبریک وکالت)

مقدمه تبریک . عبودیتیم اقتضاسنجه شرف و اقبالکنز
زیاده سی ارزوسنده ایکن .

تحمید . جناب واهب آلاماله شکرلر اولسون .

بیان استیغال . خیر نیت واستحقاق واهلیتکزه بناء

اظهار مسرت . مقام صدارته وقوعبولان مأموریتکزدن

چوق سوندم .

تعظیم ایلہ دعای تبریک . تبریک وکالت و عمر و موفقیتکنز
دعائی تکرار ایلدم .

رجای محبت لطف و مرحمتکزی ایسترم ،
باب دولتمآب اصفانه لرینه قدم انتسابله افتخار ایدر
قوللرندن بوله دیغم جهتهله دائماً شرف و اقبال و سعادت
حال ولی النعمیلرینک زیاده سنی ارزو و نیاز ایتمکده ایکن
جناب واهب آلامال تعالی و تقدس حضرتلرینه یوز
بیک کره شکرلر اولسون کونش کبی ظاهر اولان
استحقاق و اهلیت و ملک و مات ابد مدت حقنده کی نیت
خیر آیت آصفانه لری شه نشاء قدر آگاه و شهریار کرامت
دستگاه افندمر حضرتلرینک نزدعالی تاجداریلرنده
دخی مسلم ایدوکنه مبنی بو کره مسند معلالی
وکالت عظمی ذات معالی سمات آصفانه لريله کسب
شرف و اعتلا ایتمش اولدینی خبر مسرت اثری جماله
بنده کان و بلکه بتون دنیاه و علی الخصوص بو عبد
کمینه بیر یاه نهایتسز فخر و مباهات و تعریف اولنمز
شادمانی و مسراتی مستلزم اولدینی جهتهله همان فریضه
ذمت مملوکیتم اولدینی اوزره حدم اولیه رق تبریک
جامه معلالی وکالت معرضنده ازدیاد عمرو اقبال

و موفقیت جلیله دستورانه لری دعاسنی تکرار و هر حاله
 محتاج اولدیغم لطف و مرحمت و توجهات مکارم غایت
 و کالتپناهیلری استداسنه اجتسار ایلدیکم محاط علم عالم
 ارای آصفانه لری بیورلدقده اولبابده و هر حاله امر و فرمان
 حضرت من له الامر کدر .

(اقراندن رتبه تبریکی)

مقدمه . و تحمید . رکنلری اولیه رق .
 بیان استیمال . اهلیتکنز ایجابجه عهده کزه میر میرانلق
 رتبه سی ویرلمش .

اظهار مسرت . اشتدم ممنون اولدم .
 دعا . حق کزده مبارک اولسون .
 رجای محبت . توجهاتکنزی ایسترم .

جمله عندنده مسلم ویرادلشده لطف و احسان خلاف
 عالم اولان اهلیت و استحقاق کیریمانه لری ایجابجه
 عواطف علیه خسروانده بودفعه عهده استیمال
 طالیرینه رتبه رفیعہ میر میرانی توجیه و احسان بیورلمش
 و اشبو مزده حسب الخصوصیه فخر و شادمانی
 چا کرانه می استلزام ایللمش اولمغله حق احق طالیرند

متین و مسعود و مقدمه فیض و اقبال نامعدود اولوق
دعواتنك ادا و بقای توجهات کریمانه لرینك استدعاسیله
تقدیم عریضه اخلاصه ابتدار قلندی اولبابده امر و اراده
افندمکدر .

(تبریک قدوم)

قدومه دائر تبریک دخی یادنیایه کلان برچوجق .
ویاطشردن کلان یولجی ایچون اولوب رکنی بسدر .
مقدمه تبریک . تحمید . اظهار مسرت . تعظیم ایله
دعا رجای محبت .

(ولادت تبریکی)

خاندان عالیبری ارکاننك زیاده سی رونق روی جهان
اولمقدنناشی بحمدہ تعالی برمخدوملری دنیایه کلش اولدینی
رسیده سمع ممنونیت عاجزانه م اولدقدہ حسب الاخلاص
نه درجه سسوندیکمی تعریف ممکن اولمیوب همان ذات
والای منعمانه لرینك دها بونك کبی نیجه الطاف صمدانییه
مظهر و مخدوم نجات موسوملرینك بلطفه تعالی خیر
الحلف و معمر اولملری دعواتنك ادا و تکراریله تقدیم
معروضاتده درکار اولان قصور چاکرانه مک ایضای

وحییه تبریک و تهنیت وسیله سیله عفوی، و بعد ازین دخی
محاسن توجهات منعمانه لرینک بقاسنی استعدا ایدرم
اولباده لطف واحسان افدمکدر .

(تبریک حج شریف)

ارکانک تمایله .

دنیا نکه ده اک بیوک سرمایہ عمر وعافیت اولوب کشی
هراستدیکنه بوسرمایه ایله نائل اوله بیله جکی هرکسک
معلومی اولقله بنایه الله تعالی برادر مکرملری فضیلتلو
افندی حضرتلرینک بوسنه مبارکده ایفای فریضه
حج شریف برله آماناً و سالماً محرم الحرمک اون بشنجی کونی
درد سعاده وصوللری پیام مسرت انجامنی طوید یغمزده
خدا علیم ودانادر بنده خانه لری اجزاسنک کافه سنده
حصوله کلان شادی و مسرت لسان ایله تعیر اولنور
مقوله دن اولیوب همان افندی مومی الیهک اشبو سعی
جیللری مشکور و جمله من حقنده دخی ایفاسی مقدر
و مقدور المق دعاسنی دوام عز و اقبال سامیلری
مناجاتنه علاوه ایصال بارکاه رب مجید و بو وجهله ایفای
مراسم تبریک و تسعید ایلدیکم معلوم والاری بیورلدقده

بعد ازین دخی صوب مخلصانم آثار توجهات کریمانه لریله
شادان و خاندان کریمانه لری اعضاسنک جمله سینه اولان
احترام و اخلاصمه لطفاً تبلیغه همت علیه لری شایان بیورلق
باینده و هر حالده امر و اراده افندم حضرتلرینکدر .

(تبریک زمان)

تبریک زمان دخی بیرام و سینه ابتداسی و سائر مبارک
کونلره دائر دعا درکه رکئی درتدر .

مقدمه تبریک . تحمید . تعظیم ایله دعا . رجای محبت

(رمضان شریف تبریکی)

جميع ارکانیله .

اوتهدنبر و طرف ولی النعمیلرینه اولان خلوص و عبودیتله
افتخار ایدر و حق عاجزانه مده دائماً حسن نظر کریمانه لری
اقتضا ایده جک سبیلری آرار بنده لری اولدیغم جهتله
قولقه لازم کلان عادتق اجرا و ارالقده الطاف سنیله لری
استدعا بورجی ادا ایتک ایچون وسیله ارامقده ایکن
حق سبحانه و تعالی حضرتلرینک عون و عنایتیه تشرف
اولسان و بتون دنیایه مایه فیض و برکت و سبب عفو
و مغفرت اولان رمضان شریفک حق عالیٰ منعمانه لرنده

مبارك وسعيد وباعث فيض واقبال جاويد اولسى دعاى
مخصوصه نك دعوات مفروضه ولى النعميلرينه ترديفا
ايافاسيله فريضة تهنيى ادا واشبو ضره ده توجهات
عليه لرينى استبقايه مئارت قلندى اولبايده و هر حاله
لطف و عنايت حضرت ولى الامر كدر .

(تعطيل تبريكي)

ركنلرى تمام اوله رق .

هوانك زياده صبحاق اولسى او قومغه مانع وازاجقده
ذهنى خالى براقق هر درلو منافعى جامع اولمغله حكمته
فايت موافق اوله رق معتاد ايلديكى كبي بعناية الله تعالى
بو سنه مباركه ده دخى تموز و اغستوس آيلرنده مكتبكز
تعطيل ايدلمش واشبو مدتده دخى كمال استراحتله وقت
كچيروب كله جك سنه نك زمان تحصيلنه تمام صحت و عافيت
تدارك ايلمكز دئاسنى تكراراً نأديه قلنمش اولمغله حسب
الخصوص ايام استراحتك لازمه تبريك و تسعيديله بوندن
بويله دخى زياده سهى و غيرتلرينى و طرف محبانه
خاطر دن فراموش بيورلما سنى تنى ايدرم اقدم .

تعریف اولئان اصوله موافق اولیه رقی یعنی رکنلری
 اکسک و ترتیبی بشقه درلو بیرام تبریکی .
 تبریک عید سعید یکیدن قزانلمش و هنوز قوت و میتانت
 کسب ایتماش خلوص رنکنی کوسه تردیکی و بنده لرینه
 موجب افتخار و عند عالی کریمانه لرنده کون کبی آشکار
 اولان اخلاص و خصوصیتیم ایسه بویله رسمی و عادی
 شایله نازلدن مانع اوله حنی درکار ایسه ده ذمت
 عبودیتیه لازم کلان بعض خصوصیاتده وقوعه کلان
 قباحلرکم عفو ایچون شیمه کریمه بنده نواز یلرینه
 التجایه ماه مزبوری شفاعتی طوته رقی تقدیم عرضیه
 چاکری به ابتدار ایلدم اولباید امر و اراده افندمکدر .
 (جواب ایچون قاعده عمومیه)

هر درلو مکتوبک جواهنده کلان مکتوب نهیه دار
 اولدییی یعنی مطلبک مناسنی قیصهجه عبارتده ایله
 سویلمک . مثلاً تبریکه . و یا استفساره . دائر مکتوبکنز
 کلدی دیمک لازمدرکه بوکا (انها) تعمیر اولنور . اندن
 صکره مذکور انهاک اقتضاسی هر نه ایسه قارشولنی
 یازیلوب یاتکمیل اولنور . و یا خود سائر شیلر دخی
 علاوه اولنور . اشته بوانها هر جوابدن رکن اولدر .

(مکتوب حقنده دینله جک تعیرات)

(ساده) شقه شریفه . نئیقه بهیه . تحریرات شریفه .
ودادنامه . محبتنامه .

(متوسط) تحریرات علیه . سنیه . والاری . التفاتنامه .
وکرمنامه . سامی . و . عالی . و . والاری .

(اعلی) تحریرات علیه منعمانه امرنامه نامی کریانه لری
احساننامه سامی ولی النعمیلری . فرماننامه مکار معلامه
رحیمانه لری .

(کلدی دیه جک مقامده تعیرات)

(ساده) شقه بهیه لری بالوصول . ویا . واصل دست
اعزاز . ویا خود . رسیده جای وصول . اوله رق
مألی معلوم ناوری اولدی .

(متوسط) برقطعه تحریرات علیه لری انمله زیب
تکریم . راحه پیرای اعزاز واحترام . رسیده موقع
ابجال اولوب مفهومی . ویا . مأل والاسی رهین اذعان
عاجزی اولدی .

(اعلی) برقطعه فرماننامه سامی منعمانه لری هامله .

پیرای تعظیم و ابجـال . انـملـه زیـب توقیر و احترام .
 پیرایش دست تکریم و تعظیم اوله رق . ویاخود . هامه
 ارای تجیل و احترام اولان برقطعه فرماننامه سامی
 آصفانه لری مأل مکارم اشتالی قرین اذعان کمزی اولدی .
 (تبریک جوابنه مخصوص اولان رکنلر)

(انها) کلان مکتوبک مألنی سویلمک ،
 (بیان ممنونیت) کلان مکتوبدن خوشلندیغنی بیان
 ایتمک .

(تشکر) مکتوبی کوندرن ذاتی مدح و ثنا ایتمک .
 (مقابله) جوابده دخی قارشولق تبریک یعنی دعا ایتمک .
 (رجای محبت) اشبورکن دخی علاوه اولنه بیلور .

(اولکی تبریکه جواب)

عواطف عالیّه خسرواندهن بوکره باش وکالت مسندینه
 وقوع بولان مأموریت عاجزانه مسدن طولای ایضای
 مراسم تبریکه دائر برقطعه تحریرات بهیه لری بالوصول
 بوصورتله ظهوره کلان معامله حقوق شناسی و مکرملری
 موجب غظوظنت ثناوری اولمغین اثنبه جمیلری یاد

وتذکار و بقای توجہات فؤادیه لری آرزوسیلہ نیکہ محبی
ترقیمہ ابتدار قلندی .

(ایکنجی تبریکہ جواب)

اصلاً اہلیت واستحقاق اولیوب یالکز توجہات سنیہ
منعمانہ لری اثری اولہرق عہدہ عاجزانہ ما احسان
بیوریلان رتبہ وسیلہ سیلہ انواع لطف والتفاتی شامل
برقطعہ تبریکنامہ نامی ولی الہمیلری رسیدہ موقع
احترام اولہرق حق عاجزانہ مدہ بو وجہلہ واقع اولان
لطف والتفات کریمانہ لرندن نصل سوندیکمی ونشکل
ممنون ومفتخر اولدیمعی تعریف بیان نہ بندہ کر مشر
مندہلرینک المدن کلہ جکی ونہ قلم کترانہ مک دلی دونہ جکی
جہتلہ ہر وقت معتام اولان عمرو اقبال سامیلری دعاسی
تکرار واستقبای توجہات سنیہ لرینہ ابتدار قلندی
معلوم والالری بیورلدقدہ اولبابدہ امر وارادہ افندمکدر .

(اوچنجی تبریکک جوابی)

شیمہ کریمہ جا کر نوازیلری اقتضاسنجہ انواع التفات
ومتعطفاتلہ بنایۃ اللہ تعالی قد منہادہ وجود اولان
بندہ زادہ لرینک تبریک قدومنی متضمن راحہ زیب تکریم

اولان برقطعه احساننامه بنده پروریلری مأل و آلاسی
 رهین اذعان کترانهم اولمش وبوصورتله واقع اولان
 لطف وعاطفت منعمانه لرینک ایجاب ایلدیکی مسروریت
 وافتخارک بیانی نه درلو محال ایسه امر تشکرینک
 ایفاسنده درکار اولان عجزم دخی رسیده حد کمال
 بولنمش اولمغله دعای عز وعافیتلرینی رفع بارگاه کبریا
 وتوجهات سنیه لرینک کما کان استبقاسنه اجزا
 ایلدم اولبابده وهرحالده لطف واحسان حضرت
 من له الامر کدر.

(دردنجی تبریکه جواب)

خاصه اثر توجهات سنیه لری اوله رق حمدله تعالی
 برادرم اقدی داعیلرینک بالسلامه حج شریفدن
 عودتلی حقنده لطفاً وعنايه تبریک وتهنیت اراده سنی
 شامل زیب افزای جای اعزاز اولان احساننامه
 التفاتلامه لری مأل عالیمی قرین ذهن چاکرانهم اوله رق
 ایکیمزی بردن بوصورتله تلطیف وتطیبه مصروف
 بیوریلان لطف وکرملری تأثیریه فوق الغایه شادمان

وخلوص فؤاد عاطفت اعتیاد برله ادا بیوردقلری
دعای زیارت بیت الحرامه کمال صدق طویته آمین خه ان
اولدیغم حالدۀ تزايد عمر واقبال سامیلری دعاسنک
تکراریله اکتفا اولنوب مجرد فریضۀ تشکری ایفا
وهرزمان محتاج اولدیغمزین توجهات بنده نوازیلرینک
بقاسی رجا قلندیفی معلوم والالری بیورلدقده اولبابده.

(بشنجی تبریکه جواب)

ماه حالك غره ی تاریخیه کوندرمش اولدقلری
تبریکنامه مخلصپوریلری رسیده موقع اعزاز اوله رق
مال والاسندن اکلاشیلان لطف ونوازش کرمنایشلرندن
بک آشوری ممنون وشادمان وذات والالرینک بلطفه
تعالی کمال عافیتله شهر شریف مذکورک نیجه امثالیه
مشرف ودائما مظهر عز وشرف اولملری دعوات
خیریه سیله رطب اللسان اولدیغمی عرض واشعار
ورمضان شریفک یارین اتمامی مقدر اولدیغندن حلول
ایده جک عید سعیدک حق والالرنده متیمن ومبارک اولسی
دعاسی بشقه جه ادا ایله هرزمان اثر توجهات بهیلری
رجاسنه ابصار ایلدم اولبابده اراده اقدمکدر.

(التبی تبریکه جواب)

مکتبمک تبریک تعطیلی وسیله سیله انواع التفات و عنایتی
 حاوی لطفا و احسانا ارسال بیوریلان تحریرات علیه
 ولی الهمیلریک استلزام ایلدیکی هجت و سرورک بیان
 مقداری ایله بورجلی اولدیغم شکر و ثنائی یرینه
 کتورمک المدن کله جک درجه دن قات قات زیاده بر
 وظیفه حقوق الاستطاعه اولمله اول مسئله ده سکوت ایله
 دعای عمر و اقبال منعمیلرینه دوام و نصایح جلیله
 بدرانه لرینک حقيله اجراسنه سعی و اقدام قلندی بیانیله
 تقدیم عریضه جا کری یه جرأت قلندی بعد ازیں دخی
 صوب بندکاهم محاسن توجهات کریماه لرینه محسود
 الاقران بیورلمق باینده امر و فرمان .

بونلردن (بشقه خاه بنا ایتک . و یا صاتون المق . و یا
 صیفیه نقل ایتک . و برملکت فتح ایلکم . و اولنکم
 و نکاح) کبی شیرله دائر تبریکلر دخی یا یورسده
 بورسالده مطلبنه موافق دکلدر .

مجرد تأثیر دعای پدران لریله به کره عهدۀ عاجزانمه
رتبۀ رابعه توجیه به معاش کمترانم بشیوز غمروشه
ابلاغ اولمسنه و شیمه کریمه شفقت و همت خیر آیت ولی
النعیم لری اقتضا سنجه بونعمت جلیله مستلزم محظوظیت
رحیمانه لری اوله جی درکار بولنش اولمغله عهدۀ عبودیت
لازم اوله جی اوزره کالیه ادادن عاجز اوله جغم شکر
و محمدتی دلم دوندیکی قدر ایفادن صکره معتادم اولان
دعوات مفروضه ولی النعیم لری تکرار و ازدیاد توحهات
مکارم غایات والدانه لری رجاسنه اجتناسار ایلدم اولاباده
و هر حالده .

(دیگر تشکر جمیع ارکانیله)

سورهایون میامن مقرون جناب ملوکاه خدمتده
بولان بندکانک هر برینه بر درلو مکافات احسان
بیوریه جی مثللو سایه عنایتوایه حضرت نظارت پناهیلرنده
مخدوم فلان بك قوللرینه ده دردنجی رتبه دن بر قطعه
مجیدی نشان ذیشانی احسان بیورلمش و بعنایت جلیله
محضاً لطف و مرحمت آصفانه لری اثر برکزیده سی
اوله رق قوللرینی دخی ایریجه دریای سرور و افتخاره

مستغرق ایلمش اولمقله بتون عمر عاجزانه می نهای جمیل
 دستوریلرینه حصر ایتسم وهر نه یایسم و دیسم حق
 تشکر و محمدتی یرینه کتوره میه جکمدن بو بایده عجز می
 بیان وهان فریضه ذتمز اولان دوات واجلال
 آصفانه لری کون بکون متزاید وافزون و سایه مرحمت
 واحسانلری بتون بندکان اوزرنده ابد نمون اولمق
 ادعیه واجبه سیله تزین لسان ایلدیکم محاط علم عالم
 ارای خدیو یلری بیورلدقده بعدازیندخی میرمومی الیه
 بنده لری سائر احیا کرده ولی النعمیلری زمره متمایزه سنه
 ادخال بیورلمق بابنده وهر حالده .

(هدیه نشکری)

(کافه ارکانیله)

مزاح کریمانه لرینه جناب حقک بر لطف مخصوصی اولان
 جو مردلک خصلت ممدوحه می اقتضاسنجه بو کره دخی
 طرف بندکانه مه ارسالنه عنایت بیوریلان هدیه بهیه لری
 بنده لری نی طوغریسی فراموش بیورمیوبده بو وجهله
 تلطیفه لطف و عنایتلری فوق الغایه منتدار ایتمکه
 اوزریمه واجب اولان شکر و محمدتی بر نه کته دمک

دائرۂ اقدارمه صیغیه جفتدن چاره سز دعوات
خیریه لرینک تکرار یله ذرۂ شکرینی ایفا . و هر زمان
محتاج اولدیغم توجهات سنیه کریمانه لرینی استبقایه
مسارعت قلندیفی معلوم سامیلری بیورلدقده اولبایده
و هر حاله .

(مخدومنک خواجه سنه تشکر)

اثر تربیه و همت استادانه لر یله مخدوم فلان چا کرلری
ارکاب حرب صنفه آیرلمش اولدینی مومی الیه طرفندن
تشکراً اشعار اولنمش . و بولطف جلیل مومی الیهک
سعی و غیرت یله قزائش اولدینی حسن توجه و خیر دعای
ولی الهممیلری ثمرۂ مخصوصه سی ایدوکی بدیهی بولنمش
اولمقله نه درجه سوندیکم ونصل مفتخر اولدیغم صوب
والای فضیات اتمالرینه ایفا سته مدیون قالدیغم امر تشکرده
درکار اولان عجزم کی قابل تخمین اولما مقله اول مبحثده
چاره سز اختیار سکوت ایله دعوات عزو عافیتلرین
ایصال قبولکاه رب الانام . و بعدما دخی مومی الیه
بند لری حقنده شاگردانه بر دوزی یه اولان لطف
و عنایتلرندن بشقه جه همت مخصوصه لرینی استرحام .

ایدرم اولباده لطف و کرم افندم حضرتلرینکدر .
اشبو تشکرلرک بعضیسنه جواب اقتضا ایتیموب
بعضینک دخی جوابی بعینه (تبریک) اولدیفندن حواله ایله
ا کتفا اولندی .

﴿ فصل ثالث ﴾

(توصیه حقنده در)

(توصیه) بر آدم حقنده برشی رجاسنه دائر اول
آدم ایله کوندریلان نحریراتدر .
توصیه رکنی اوجدر .
(تعریف) مکتوبی کوتورن کیمدر . وایشی ومطلبی
ندر بیان ایتمک .
(ستایش) مکتوب کوندریلان ذاتی مدح و تعظیم ایتمک .
(التماس) اول مطلبک اولمسنی رجا ایتمک .
(اشبو رکنلرک بوترتیب اوزره صره سیله یازلمسی
لازم ایسه ده بعض کره (ستایش) فقره سی ترک اولنه رق
ایکی رکن ایله یازلمسی دخی جائزدر .

(باش وکالت مقام عالیسندن وزیرایه توصیه)
(تعریف) فلان افندی مجلسه تحریرات کانی
اولدی . واصلزاده در .

(ستایش) سز قدر دانسکز .
(التماس) حقنده رعایت (و معاونت ایدک)
مجلس اداره ولایت تحریرات کتابته مأمور و معین
بیوریلان فلان افندی بوکره اول طرفه عزیت . ایتمش
وافندی مومی الیهک ارباب اسالت واهلیندن اولدینی خبر
ویرلش . اولمغله شیعه قدردانی واهاشناسی دستوریلری
اقتصادسنجه حقنده توازم احترامکاری ورعایتک اجرا .
وامور مأموره سندن طولانی معاونت لازمه نک ایفاسی .
خصوصنه همت بیورملری سیاقنده نئیقه مخصوصه تحریر
وتسییر قلندی افندم .

(جده والیسنه)

(توصیه)

(تعریف) زکریا افندی هیچ شریفه کیده یور
علمانددر . حرمته شایاندر .

(ستایش) سز قدر شناس و عاطقتلی اولدیغک زدن .

(التماس) حقنده حرمت ورعایت ایدک .

بخار الى زکريا افندی داعيلری ايفای فريضه حج
 شريف نيت خالصه سيله کعبه مکرمه جانب عاليسنه
 عزيمت ارزو ايدر کشي زاده . واهل علم . وفضيلت
 برکوزل ذات اولديغندن هريوزدن التفاته شايان اولمسيله
 اول طرفه واردقده موصوف اولدقلری شيمه حسنه
 قدردانی وعاطفت اقتضاسنجه حقنده معامله جيله قدر
 شناسی ورعايتک اجراسيله برابر استديکی شيلرك قبول
 ومساعده سی متمناي چا کرانه م ايدوکی بيانيله عربضه
 مستمندى ترقيمنه ابتدار قلدى اولبايده وهر حالده .

(ديگر توصيه)

اذن عاليلری اولور ايسه اشبو عرضه می تقديم ايتمک
 اوزره خاکپای والالريه يور سورده جک اولان احمد اغا
 بنده لری افندمه اسکيدن انتساب ايتمش . وجوق لطف
 واحسانکزی کورمش . بنده لركزدن بواندينی حالده
 بخت سياهی مقتضاسنجه برمدت افندمک حسن نظرلرندن
 آيرلسی جهتيله ارتق شمدیلرده پک مضطرب و بی
 قدرت وکشی دوشديکی يردن قالقر اعتقادی کندوسنه
 قوت . اولارق . ومرحمت سديه کزه کوه نهرک . دامن

عفو دولترینہ صارفہ قرار ویرلشدہ ہر کسک
بیلدیکی بندہ پرور لکری ایجابجہ عبودیت سنیہ لری
قزانش اولان بندہ لکز دکل سائر التجایدنلر حق لرنده
بیله ممکن اولان افسدیلکی اجرا بیورہ جقلری بللی .
وعفو وعطا جرم وخطادن ایلری . اولسیله مرقوم
بندہ لرینک هر نه یاتیش ایسه قباحتنک دامن مرحمت
سنیہ لریله مستور . واولوجهله بوایکی بندہ لری بردن
مسرور . بیورلق بابنده امر واراده حضرت من له
الامر کدر .

(دیگر توصیه)

ملتزمیندن محمد اقدی اول طرفده اولان الاجقلرینک
تحصیلی ایچون طرف ولی التعمیلرینہ عزیت ایملیکندن
واقدی مومی الیه ایله اسکیدن حقوقز برکال اوله رق
مقتضای لطف و عنایتلری اوزره حقنده کوسترله جک
معاونت و تسهیلات کویا قولکزه اجرا بیورلش کبی
اوله جغندن . قانون و نظامه موافق دوشه جک ایشلرنده
لطفا مساعدہ علیہ کریمانه لری ارزان وشایان بیورلق
بابنده وهر حالده لطف و عنایت حضرت من له الامر کدر .

(دیگر توصیه)

نوابدن مودتلو عثمان افندی داعیلری بوکره زیر

ادارهٔ سمنیه لرنده بولنان فلان قضاسی نیابته تعیین
بیوریله زق یوز سورمک اوزره خاکپای والالرینه
عزیمت ایتمش . و افندی مومی الیه داعیلری سائر
نائبلره بکزمه میوب اهل عفت و فضیلت اولدقدن بشقه
بینمیزده قرنداشلق معامله سی دخی بولنمش اولمغله بونک
کیلر حقنده معامله لطیفه اجرا بیوریله جنی اگرچه
شبهه سز ایسه ده حق عاجزانه مده اجرایشه بیدریغ لطف
و عنایت بیوره جقلری هر درلو معاملات مومی الیهک
دخی مظهر بیورلمسی نیاز مخصوص عیدانهم اولمغین
اولبابده امر و اراده افندم حضر تلرینکدر .

(توصیه) مکتوبلرنده پکده جواب اقتضا ایتمیوب
یازلمسی لازم کلورسه انهاسیله التماسک قبول اولندیغی
و یاخود برعذر بیانیله اجرایی ممکن اوله مدیغی
یازملیدر .

﴿ فصل رابع ﴾

(تعزیه حقنده در)

(تعزیه برکسیه اصابت ایدن کدر ایچون تسلیه
دائر کوندریلان تحریراته دینور . تعزیه نک ارکائی بشدر .
(مقدمه تعزیت) مصیبتی سویلمزدن اول مناسب بر فقره
(بودخی هرشی جناب حقه امریله ومقتضای قضا
وقدر اولدیغی کوسترمکدن عبارتدر .

(تعزیت) اول مصیبتی بیان ایتک .

(اظهار تأسف) اچیدیغی سویلمک .

(رفع ملال) اجر ایله مکافات وصبرک لازم اولدیغی
بیان ایله تسلیه .

(خیر دعا) وفائی ایچون ایسه هم متوفایه وهم
مکتوب کوندریلان ذاته . واکر عزل ویا بشقه برکدر
ایچون ایسه مکتوب کوندریلانه دعا .

(وفات ایچون تعزیه)

(مقدمه) هرشی فانی . وجناب حق باقیدر ،

(تعزیت) قاین بدریکز وفات ایتمش .

(اظهار تأسف) تأسفی یازمغه کوزلرمک یاشی قویمدی .
(رفع ملال) بیهوده اجنمق ضررلی . وصبر ایتمک
قائده لیدر .

(دعا) حق سبحانه و تعالی مرحومه جنت . وسزه اجر
وعافیت . احسان بیورسون .

بوچهانده هر جمعیت پریشان . و هر نعمت بی نام و نشان
اوله رق الحق باقی و بیزوال جناب خالق متان . اولمغله
بوکره قانن پدزلری اقدی حضر تلری ارتحال دار
نعیم ایلدکاری خبر کدورت اثری مسموع عاجزانه م
اولدقده ککرك مرحوم مومی الیهک شو عالمده کی
ایر یلغندن . و کرك افندمزه اسابت ایدن شو حزن
و المدن . حسب العبودیه وصل متأثر و نه قدر متأسف
اولدیغمی یازمقدن کوزلرمک یاشی مانع . ولیکن بومثللو
امر الهی به قارشو زیاده تأسفک ضرردن بشقه بر اثری
اولیوب صبر جمیلده ایسه اجر و ثواب درکار اولدیغندن
محزون کوکلم افندمرك . و بیسون خاندان غالیلرینک
حمد اولسون صحت و عافیتله قانع . اولمغله خدم اولمیه رق
افندمرك دخی حکم قضایه رضا برله صبری اعتیاد
بیورملری اخطار یله مرحوم مومی الیهک طوغری

فردوس اعلايه عازم . واقدمزك نائل اجر ومكافات
اوله رق عافیتده دام . اولملری دعواتی یاد وتکرار
وتقدیم عریضه اخلاصه ابسدار قلندی هر حالده امر
وفرمان اقدامکدر .

(جواب)

(تعزیت) جوابنده لازم اولان رکنلر .
(انها) تعزیه یه دائر مکتوبک کلدیکی بیان ایتک .
(تشکر) مکتوبدن ممنون اولدیغی افاده .
(دعا) مکتوب کوندرنه قارشولق دعا .
(رجای محبت) معلوم .

(مکتوب مزبورک جوابی)

(انها) تعزیه یه دائر مکتوبکنز کلدی .
(تشکر) بیقلمش کوکلم تعمیر اولندی . بو عنایته تشکر
ایدرم .

(دعا) کدر کورمیک عافیتده اولک .
(رجای محبت) بوندنصکره دخی لطفکزی رجایدرم .
قوللری کر چکدن سور . ومن غیر حد قرنداش مقامنده
طوتر . اولدقلرندن تعزیه وتسلییه بی حاوی احسان

بیوردقلری بر قطعه کرنامه والالری محنت ایامله ییقلمش
 قلب چا کرانه می یکیدن تعمیر ایدرک بنده لرینی هر حال
 و محله اونو تمیوب لطف و نوازش دادرانه ایله تسلیه
 بیورمش اولدقلری طوغریسی دنیا دکر برعنایت اولمغله
 کمال تشکرله برابر قابی منکسر اولئرک دعایی مقبول
 اوله جغندن ذات والای کریمانه لری اکدار کونیه دن
 دائما مصون . واکمال عزو عافیتله ممنون . اولمق دعاسنی
 بخلوص البال ایصال درگاه جناب متعال ایلدبکم معلوم عالیلری
 بیولقدقه بوندن بویله دخی طرف خلصانهم معامله
 لطف و کرملرندن فراموش بیورلماق باینده .

(عزل تعزیتی)

(مقدمه) یوعالمک حالی برقرارده طورمز .
 (تعزیت) مأموربتکزدن عزل اولمشسکزر .
 (اظهارتأسف) تأسف ایتمده دیسه م یلان سویلرم .
 (رفع ملال) قریباً منصوب اولورسکر .
 (دعا) قدرکز آرتدجه توجهاتکیزک کانی استرم
 یوعالم کون و فساد برقرارده طورمیوب دائما انقلاب

اوزره اولوق مقتضای حکمت ربانیه اوله رق هر فرقتک
 صوکی وصلت . وهر کوچلکک نهایتده سهولت .
 اوله جنی جمله نك معلومی اولمغه حسب القدر مأموریت
 -نیه لرندن استراحت بیورمش اولدقلری اکر چه ذات عالی
 منعمانه لرینک چوق لطف ونوازشنی کورمش قدیمی
 بنده لری بولندیغمدن تأسف ایتدم دیسم عادت
 چا کرانه اولمیان یلانی ارتکاب ایتمش اولورم . انجق
 بوانفصال بلطفه تعالی قریباً حق احق عالیلرنده واصل
 مرتبه اتصال اوله جغنی بیلهرک یالکز فریضه ذمت
 عبودیتیم اولدینی وجهله فیض واقبال سامیلری کوندن
 کونه ارتدقچه حق چا کرانه مده دخی توجهات منعمانه لری
 برکال اولوق استدعاسیله تقدیم عریضه خلوصورییه
 جرأت قلندی اولبابده .

(جواب)

- (انها) تسلیه دائر مکتوبکز کلدی .
- (تشکر) بوهمتلرندن ممنون اولدم .
- (دعا) موفقیتکز دعاسی تکرار قلندی .
- (رجای محبت) معلوم .

لطفاً و غنايۀ کوندرلش اولان کرمنامه تسليت
علامه لری رسیده دست احترام . و بو وجهله خاطر
نوازی و تسليت مراسمنک رعایتته واقع اولان همتلری
مستلزم ممنونیت مالا کلام . اوله رق دعای پیریای
موفقیت و عافیتلری تکرار قلنمشدر عزل و نصب بر بریله
برابر . و مقدر اولدینی زمانده ظهور ایده جکی امر
اظهر . اولمسيله بوراسنه تأسف لازم کلیه جکندن
هان بوجهات سنیه لریله دائماً منتدار بیورملرینی تمی
ایدرم اولبایده اراده افندمکدر .

(مرسل الیهک اقرباسندن اولیان برذاتک)

(وفاتی ایچون مختصرجه تعزیت)

الحاج مفتی افندی حضرتلرینک ارتحال داربقا
ایلدکلرینی ایشیدوب حسب الخلوص یک زیاده متأسف
اولدم ایسه ده نه چاره حکم الهی بو وجهله جاری
اولمش اولمغله هان جناب حق مرحوم مومی الیهی
تعمت غفرانه مظهر . و باقیلری کمال عافیتله معمر .
بیورسون دعاسیله عریضۀ ثناوری ترقیمنه ابتدار قلندی
افندمز .

(بدرندن مخدومه)

انسانك هر وقى بر اوليوب . اوتامق وكدر .
وتلاش . ايتك كې شيلرده الندن كلان ايشى ايسيتديكى
كې يابه ميه جنى معلوم اولوب ذات نجيبانه لرېنك دخى
بوسنه ده كى امتحانده بويله بر عارضه سبيله صنفكزى
كچه مدكلرى مسموع محباهم اولدقده واقعا موجب
تأسفمز اولمش ايسه ده هر شیده جناب حقك كيزلى
بر حكمتى اولوب بو خصوصه دخى حقكزده خيرلو
اولور بر حكمت بولمى اعقاديله اصلا سى و همنده
قصور ايتمه رك بمنه تعالى كله حك سانه شريكلىكزه
هر يوزدن فائق اولمكز مأمولىله دعای عز وعافيتكز
تكرار ايفا . وطرف محباهه مزى پیام سختككزله ممنون
بيورمكز رجا . قلنور او غلم اقدام .

(جانب مخدومدن جواب)

مقتضای مرحمت والدانه لری اوزره بوسنه كى امتحانده
صنف عاجزانه مى كچه مديكم ايشيديلوب موجب
تأسفلى اولمغین قلب چاكرانه مك تسليه سيله دعوات

خبریه لرینی متضمن هامة پیرای تکریم و ابجـال اولان
برقطه احساننامۀ پدرانہ لری قوللرینی فوق العاده
ممنون و مفتخر ایلمش ايسه ده چوق شکرلر اولسون سایۀ
عالیلرنده و قمتی بیهوده کچورمیوب چالیشدیغم ثمره سی
اوله رق پک کوزل امتحان ویرمش . و صنف
ناچیزانه مده برنجی اولدیغم حالده کچمش ایکن نامداشم
فلان افندی زاده نصلسه حسب القدر کیروده قلمش .
اولمغله یا کلشاقله بو خبر ذات عالی ولی نعمیلرینی
رنجیده ایلمش اولدیغی بوینک بورجی اولان شکر
و محمدت . و دعوات عمر و اقبال منعمانه لرینه مداومتله .
عرض و بیانه جسارت ایدرم کیفیت معلوم عنایتلر و
والالری بیوزلدقده هربار اثر خیر دعای پدرانہ لرندن
قوللری فراموش بیورلماق بابنده و هر حالده امر و فرمان
افندم حضر تلرینکدر .

﴿ فصل خامس ﴾

(خلوص حقه در)

(خلوص) بر ذاتک بشقه سنه هیچ برشی ایچون اولمیوب
یا لکن محبته دائر یازدینی تحریراته دینور .

خلوصک کندیسنه مخصوص اولان ارکانی درتدر.

(مخاطبی مدح و ثنا) وزرادن اولورسه احسان
و مرحت . و عسکریدن ایسه . شجاعت و جسارت .
و علمادن ایسه . علم و فضیلت . و رجالدن ایسه . عقل .
و فطانت . و لطف و عنایت . و کوچک مأموریندن
ایسه . صدق . و استقامت . کبی کوزل صفتلرله
وصف ایتمکدر . و بومدح و ثنارکنی اکثریا ایکنجی رکنه
سبب کوستریلور.

(عرض محبت) بیوکلره اولورسه . عبودیت . یعنی
قوللق . و اقران اولورسه . خلوص . و خصوصیت
و کوچکلره محبت . و مخالفت . کوسترمکدر .
(دعا) معلوم .

(رجای محبت) یوقاروده بیان اولندیغی وجهله تعیری
هرکسک قدر و حیثیتنه کوره در.

بومثالو خلوص جوابلرنده دخی (انها) و (تشکر)
فقره لری اصل مکتوب فقره لرینه علاوه قلنه رق رکنی
الی اولور.

(انها) دخی ایکی طرز اوزره یازیلور . بری فلان
شیئه دائر مکتوبکنز کلدی و مالی معلوم اولدی . بوجهتله

ممنون اولدم مألنده . وديکری فلان شیئه دائر کلان
مکتوبکزدن ممنون اولدم مألنده اولور . وبعضاً اشبو
رکنلره . اعتذار . یعنی مکتوب یازمه مدیغنه بیان عذر
ایله عفو ایستمک . و تحدیث نعمت . یعنی کوردیکی ایوانکی
سویلمک کبی . و عتاب ظریفانه . یعنی او طرفدن مکتوب
کلدیکنه کوجنمک کوستر فقره لر دخی علاوه اولنور .
وبورکنلرک صره سی اولیوب یوقاری و اشاغی نسق کلامه
کوره یازلمسی ممکندر .

(وزیرایه خلوص)

کافه ارکانیله .

عبودیت و انتسابی هرکسه سبب افتخار اولان آستان
معلائی دستورانه لرینه هرکسدن ارکجه انتساب ایتمش
بندکان صدق نشانلرندن بواندیغم جهتله . دعای دوام
عمر و اقبال . ورجای فزونی جاء . و اجلال لر یله وقت
کچورمکده اولوب انحق جناب حق ولی نعم افدمزی
عوارض کونیه دن مصون بیورسون نیجه مدت نامزاج
و مشغول تدبیر و علاج . اوله رق تقدیم معروضات ایله
قوللق وظائفنی اجرایه موفق اوله مامش ایسه مده بلطفه تعالی

یاوری، توجه آصفانه لریله تحصیل عافیت . و ترقیم
عرض حاله کسب قدرت . ایدرک مجرد اظهار عبودیت .
و طرف سامی، داورانه لرندن بربری اردنجه کوردیکم .
و توصیف و تعدادنده عاجز اولدیغم . بونجه لطف
واحسانه مقابل شکر و محمدتده بیان عجز و مسکنت .
ضمننده تقدیم عرض حال رقیق مآلنه اجتناسار قلندی
محاط علم عالم آرای آصفانه لری بیورلدقده بوندن بویله دخی
حق چا کرانه مده توجهات علیه وزیرانه لری پایدار
بیورلمغله چا کر کینه لری وایه دار افتخار بیورلمق بابنده
وهر حالده.

(جواب)

حق و ثناوریده اولان حب و موالات صحیحه لرینک بقاسنه
دائر ارسال بیوریلان شقه بهیه لری مآلندن استفاده
اولنان معامله خاطر نوازیلری مستلزم محظوظیت محبی
اولدینی کبی وجود شریف لرینه عارض اولان فتور
دخی حسب الخلوص بادی، تأسف اولمش ایسه ده حمد
اولسون کسب صحت ایلدکاری خبری مدار ممنونیت
خلوصوری اوله رق دعای عز و عافیت لرینی تکرار
و استبقای توجهات فؤادیه لرینه ابتدار ایلدم اقدم.

(هدیه تقدیمه خلوص)

ذمت عبودیتمه واجب اولان ادعیه خیریه آصفانه لرینه
کیجه وکوندز مداومت ایتمکده اولدینم حالدّه اره صره
عریضه تقدیمه لوازم بندکی واختصاصی ایفای لازمه دن
اولدینغه . وموقع محصولدن اوله رق بر مقدار ... تقدیمه
جبرأت قلندینغه . بناء نکاه التفات آصفانه لرینه شایان
وقوللری توجهات عالیّه ولی التعمیلری بقاسیله شادمان
بیورلمق بابنده وهر حالده .

(جواب)

طبیعت کریمه لری اقتضاسنجه طرف مخلصانه مه ابدال
بیوریلان نوازش والتفات شامل بر قطعه تحریرات
سنیه وعلاوه بیوریلان هدیه رسیده جای قبول
واحترام اوله رق بو صورتله عادت هممکاری . ورسم
مرغوب وفاشعاری . اجراسنه واقع اولان همت علیه لری
مستلزم وفور محظوظیت خالصی اولمش . وصوب
منعمانه لرینه درکار اولان محبت صمیمیه اقتضاسنجه
اوصاف جمیله ودعوات جلیله لری هر زمان یاد وتذکار
قلندینی کبی بو کره دخی مع الشکر تکرار قلنمش اولمغله

مجرد بیان محظوظیتله استبقای توجهات کریمانه لری
سیاقدده شقه نناوری ترقیم قلندی اولب ابدده اراده
افدمکدر .

(اقراندن بربرینه تکلفسز)

(خلوص)

(ارکان مخصوصه)

(مدح و ثنا) بزی اونو ترق کوزل اخلاق کزده یاقشمز .
(عتاب ظریفانه) بوکاشاشدم . وسزدن مکتوب کلینجه
بندده یازمیه جقددم .

(عرض محبت) سزه اولان زیاده خلوصم قویمیدی .

(دعا) دعا کزده قصور ایتمم .

(رجای محبت) ارتق بوندن صکره بزی اونو تمامکزی

رجا ایدرم .

(اقدامله کوچک یا شمزدن بری بینمزده بو قدر خلوص
و محبتدن بشقه قرنداشلق دخی وار ایکن استانبولدن
کیدملی بری کویا قوللرینه طارلمش کبی بتون بتون
فراموش بیورمش اولملرندن بو کیفیت نه اومولور
ونده متصف اولدقلری کشی زاده لک و مرؤت

و عنایتہ یاقیشور اولدیغندن بو حاله شاشمش . و طرف
سامیلرندن کرمنامه کلدکجه بنده لری ده عریضه تقدیم
ایتمامکی قورومش . ایسه مده نزد عالیلرنده تعریفه حاجت
اولیان افراط خلوص و محبت کمتراهم بو صورتی اجرایه
مانع اولمغله بو دفعه اصلا قصور ایتیه رک کیجه کوندز
دعای دولترینک خلوص قلب ایله ادا . و بوندن بویله
جانب چا کرانه م خاطرردن حیقارلامسی رجاسنده
اولدیغمی بیان ایله تقدیم عریضه یه ابته دار قلندی اولبایده
امرواراده اقدامکدر .

(جواب)

(انها) کوجنمش اولدیغکنزک بیانیه لطف و التفاتی
حاوی مکتوبکیز کلدی .

(اعتذار) قاج مکتوب کوندردم وارمامش .
(تحدیث نعمت) سزک چوق عنایتکزی کورددم .
(مدح و ثنا) کوزل خویکزه مجبور اولدم .
(دعا) صحت و سعادتکزر دعاسنه . دوام ایدرم .
(رجای محبت) توجهاتکزرک بقاسنی استرم .
(چا کرلینه کویا کوجنمش اولدقلرینی بیان ایله حقمده
هرزمان کورمکده اولدیغم لطف و التفاتی شامل راحه

زیب تکریم اولان تحریرات علیّه کریمانه لرنده اییجه
 سرزنش بیورلمش . و صورت حال بیوردقلری کی
 اولسه کرچکدن صوچلی اوله جقم درکار بولنش .
 ایسه ده کیتدیکم کوندن بری لطف و عاطفتکزی رجا .
 و خلوص و تحسرمی عرض و انبا . ضمنده قاج دفعه در
 عریضه کوندرمش اولدیقم حالده نصل اولمش ایسه
 شرف وصوله نائل اوله مدینی . و بو خصوصه قولکزرک
 هیچ قباحتم اولیوب بالفرض بویله بر قصورم اولسه
 ییله معاذالله اونوتمق و یا کوجنمک کی اسناد اولنان
 شیلرک و قوعی افندمک بونجه عنایتنی کورمش . و حسن
 اخلاق و معامله سنه دلداده و مجبور اولمش . بنده لری
 حقنده خاطره کلیه جکی . جهتله شمدی یه قدر سببنی
 یلمیه رک اوزلمش اولملرندن طولایی عفو عالیلری تمی
 ایدر . و بعدازین بویله قصور اولنیه جفتی تأمین ایله
 دعای صحت و سعادت لریه دوام . و توجهات سنیه لرینک
 کماکان بقاسنی استرحام . ایدرم . اولیابده لطف و کرم
 افندمکدر .

(شاگرداندن خواهجه سنه خلوص)

افندمک تعایم و تربیه لری سایه سنده تمیز ایتمش قدیمی

آزاد قبول ایتمز کوله لرندن اولدیغم جهته جمله ناس
حقنده محض خیر اولان وجود پرسود فاضلانله لرینک
دائماً محفل صحت وعافیتده مکین ، وحضور افاده لرندن
نور عرفان و فضیلتلرینک پرورانه لری اولان شاگردلرکز
جهان طولوسی حصه معرفتله کامین . اولمق دعا سندن
بر آن خالی اولدیغم آینه محلی کبی اولان قلب انورلرنده
ظاهر اولمغله بوندن زیاده اوزاتمق قاعده کلیه آداب
وعبودیته منافی اولمغین یالکیز خیر دعای ولی النعمیلرین
استرحام ایچون تقدیم عریضه عبودیته اجتناسار ایلدم
اولبایده وهر حالده امر و فرمان و عید ناتوان ولی نعم
افندمز کدر .

(جواب)

ذات نزا کتسمات فرزند لری کوچک یاشنده اولدقلری
حاله رشد وسعادت نشانه لری سیالرنده کونش کبی
تابان . وکسب وتحصیله سعی وهمتلری مأمولدن یوز
قات فراوان . اولسیله بنه تعالی شمدی آثار نافع سیله
اقران وامثالدن ممتاز . ومناصب عالیّه دولته مسند
طراز . اولدقلرینی کوردکجه بالخاصه ذات سامیلرینی

ریاسز سودیکمدن نه درجه منسون ومن غیر استحقاق
داعیلری بروسيله جزیه اولدیغمدن فصل متشکر
اولدیغمی کما هو حقہ بیان نه وجهله قابل امکان دکلسه
بودفعه دخی ارسال سوی ثناوری بیوریلان التفاتنامه
کریمانه لری هر زمان کوردیکم الطاف جمیله جمله سندن
اولغله بویله بر برینی متعاقب غایتلرینک تحدیث وتشکری
دخی داخل دائره بیان اوله مدینی معلوم والاری
بیورلدقه صوب مخلصانهم بعدما دخی آثار توجهات
فرزندانه لریله مباهی ومسرور بیورلمق منوط همت
علیه لریدر افندم.

(مریدندن شیخنه^۲)

رشادتلو کرامتلو باعث فیض وسعادتیم افندم
حضر تلری .

ظلمتده ضیا . وکدورتده صفا . وغربتده رهنا . وهر
دردمه دوا . اولان همت وعنایت مرشدانه لرینه محتاج
قبوکزک کمتر قولی اولدیغم جهتله . غریبکدر آنی خوش
طوت افندم اشته بن کیتدم * کوکل دیرلر سرکویکده
بردیوانه من قالدی * دیهرک جانندن آیریلورکی آستان

سمادتكز دن بو طرفه كله ليدنبري بش وقت عقبنده
 اوراد واذكارم اولان ثنای جیللرینی غدای روح .
 و باعث کشفات و فتوح . اتخاذا ایلدیکم قلب مجلای
 طالمالرینه آشکار ایکن کمال تحسرمدن ناشی سویلمکده
 مجبور یتیم کستاخلغیله لکدار اولدم ایسه ده تصفیة
 مرشدانه لریله محو و نایاب . و مظهر اولدقلری واردات
 وجدایه و جذبات رحمانیه دن بو عبد بیچاره لری دخی
 حصه یاب . بیورملق باینده و هر حالده لطف و احسان
 و عبد خالص الجنان کرامتو افتدمن کدر .

(جواب)

سوی خالصانه مزه بیان مخالصتی حاوی کلان مودتنامه
 شریفلری مآلی معلوم فقیرانه من اولمش . وخالصاً
 لوجه الله اولان اشبو محبتلری قلب عاجزانه مزك حب
 صحیحنه قارشو کلوب ظل حمایة الهیه ده بولندرمغه
 لایق اعمالدن اولمغه جناب ذی الکبریا نك توفیقنه تشکر
 قلنمش . اولدینی بیانیله بعدما دخی صدق و استقامت .
 و سعی و اجتهاد کزده عزیمت ایلمکز مأمولزدر هر حالده
 عون الهی یه مظهر اوله سز اقدام .

﴿ فصل سادس ﴾

(خصوص حقنہ در)

(خصوص) برایش ضمنندہ یازیلان (تحریراتہ)
دینور بودخی ایکی قسمدر .

(اولکی) اگر بر ماده خبر ویرملک اوزرہ یازیلورسہ
(خصوص) دینورکہ حکومت دائرہ لرنندن یازیلان
تحریرات . و مجالسدن (مضبطہ) و محاکمندن (اعلامات)
و سائر ایش مکتوبلری بوقیبلدندر .

وبوخصوصک رکن مخصوصی یوقدر .
انجق یوقاریدہکی تفصیل قاعدہ سنجہ ہرنہ ایش ایچون
ایسہ اکا لازم اولان ہر شیئی یازملیدر .

(ایکنجی) بر ماده صورملق ایچون یازیلورسہ اول
سؤالی حاوی اولان تحریرانہ (استعمال) دینورکہ
کذلک ہونک دخی ارکان مخصوصہ سی اولیوب انجق
اولا بیان اولنان مادہ نک نرہ سی ایسہ یرار . و حکمہ
مدار . ایسہ اورالری صورمللیدر .

(شق اول خصوصک امثلہ سی)

(ایچوندر)

(خصوص) مکتوبندہ خلوصہ دائرہ تعیرات جائز

اولیوب طوغریدن طوغری به ایش هر نه ایسه انی بیان
ایتملیدر .

انجق یازیلان ذاتک قدرینه کوره خطابده اقتضایدن
عنوانی یازملیدر .

(استعمال) دخی بوجله در .

بونلرک جوابلرنده لازم کلان (انها) ده یک مختصر
یازلیوب ایشی اجمالا آکلاده جق قدر یازمق . و بعضا
لزومنه کوره فلان تاریخلو دیو کلان مکتوبک تاریخی
وضع الیق . اقتضایدر .

(قیوچو قدرینه)

ملفوقا کوندریلان مکتوبلرک تیزالدن محللرینه
اعطاسیله فلان خاندن مقیم صرافاندن هوجه فلان نامنه
کشیده اولان اون برکون وعده لی بشیک غروش صاغ اچه
اداسنی ناطق بولیچه نک وعده سی کلد کده مبلغ مزبوری
الوب پوصله ده اسملری یازلمش اولان شیلری فلان
افندی به اولان تحریراتده کندوسندن التماس اولمغله
برلکده بالاشتراکله جک بوسته ایله صوب محبانمه
اسبالنه همتلری مرجودر افندم .

(جواب)

ملفوف مکتوبلرک محللرینه بالاعطا بولیچه بدلیله
آلینه جق اشیانک ارسالی خصوصی حاوی امرنامه
منعمانه لری هاهمه پیرای اعزاز اولمش . ومذکور بولیچه
بدلی لیره عثمانی یوزغروشه اوله رق اخذ اولتوب سپارش
بیوریلان اشیا دخی بر موجب اراده فلان افندیله برلکده
اشترا اوله رق پوستیه تسلیما . و قیمت بوصله سی دخی
لفاً تقدیم قلنمش . اولمغله هر حالده امر و فرمان
حضرت من له الامر کدر .

(كذلك)

مخلصری بوراده بولندجه خانه عاجزی بوش قاله رق
یهوده خراب اوله جفتدن بشقه برده بکچی مصرفی
ویرلدیکندن ماهیه سی اقتضا ایدن تعمیراتنه صرف
اولتمق اوزره کوزلجه اقامت ایده جک . یعنی طشره دن
کله برهای ادملر اولیبوب کندی خانه سی کبی طوته جق
وماهیجه اذیت ایتیمه جک طالبی ظهور ایدر ایسه
کرایه ویرلمسی . وانجق بر سینه لکدن زیاده قونطوراتو
ایدلیبوب النان آیلقلر نزد والالرنده حفظ اولنمی .
خطار یله شقه محی ترقیم قلندی اقدام .

(جواب)

دولتخانه ولی النعمیلرینک شرائط معلومه ایله کرایه ویرلمسی حقنده فی (۳) رجب ۰ ۰ سنه (۸۷) تاریخلی امرنامه کریمانه لرینی کمال احترام ایله آلام . چوقندن بری کیرابه طالبلر ظهور ایتمش ایسه ده طرف دولترلندن امر آلدیجه ویرلیه جکی جوابی ویرلدیکی . وبوبابده اولان صورت امر واراده لری کچن هفته اول طرفه عزیمت ایتمش اولان کمرک مأموری علی افندی وساطتیه باعریضه بیان وسؤال اولنمشیدی شمدی افندمن مسابقت بیوره رق اظهار رضا بیورمش اولملریله اقتضاسنه باقیلوب صورت حال همان صوب عالیترینه انها قلنه جنی . بیانیه تقدیم عریضه به ابتدار قلندی هر حالده امر وفرمان .

(امور دولته متعلق)

بیغا سنجاغنک سکسان برسنه سی محاسبه دفتیرینک مالیه خزیننه جلیله سنه تقدیمنده اعشار دفتیرینک برابر بولنسی لازم اولوب مذکور دفتیرلر ایچون هر قضایه

نمونه ویریلہ لی خیلی زمان اولمسیلہ برابر بعض قضاالردن
مطلوب و جہلہ کلش ایسہدہ بعضیلرندن حالا کلدیکندن
بتون سنجاغہ متعلق برامر مہمک بویلہ کیرو قالمسنی
ایجاب ایدہ جکی جہتلہ بوبابدہ دامن درمیان اہتمام
ایدرک قضا کر دفترلریک بر آن اول یاییلوب کوندرلسنہ
اقدام وغیرت ایلمکنز سیاقندہ شقہ ترقیم قلندی.

(جواب)

اعشار دفترلریک کوندریلان نمونہ و جہلہ سرعت
تسویہ وارسالانہ دائر شرفوارد اولان امرنامہ متصرف
اکرمیلری رسیدہ موقع تعظیم اولمش . وموجبنجہ قضا
کاتیندن بشقہ الندن یازی کلنلر بریرہ جمع اولنہرق
چار چاقق یاییلان دفترلر بوکرہ تقدیم پیشکاه عالیلری
قلنمش . والدن کلدیکی قدر مطلوب عالیہ موافق
اولسنہ غیرت ایدلش اولملہ اولبابدہ.

(تقریر)

لابسکی قضایی داخلندہ افندی چفتلکی اعشاری
لکچن سنہ ادارہ امانتدہ ہرنصلسہ تحریر واستحصال

اولنه مامش ایدوکی بوکره قضاء مزبوری درعهده
ایتمش اولان ملتزم طرفدن یازملغه ثبت اولندقدہ
ایلدیکی ممانعتدن تین ایتمش . وبویله بسبالی مطالب
سنه دن اولان اموالک تأذیه واعطاسنده کسه طرفدن
امتناع جائز اوله میسه جغندن اربابی معرفتیه کشف
وتخمین برله کچن سنه اعشارینک تحصیلی دخی لازمه دن
اولمسیله اجرای اقتضاسی امر و اراده متصرفیلرینه
متوقف بولمش اولمغله اولبابده .

(شق ثانی استعمال امثله سی ایچوندر)

بنه تعالی بوسنه مبارکه اعشارینک مزایده سی زمانی
دخی کلش . واولا محللرنده مزایده اولنوبده صکره
قرارینک مالیه خزیننه جلیله سنه بیلدیرلمسی نظامی
اقتضاسندن بولمش . اولمغله هرقریه نک مزاد پوصله لری
پایلوب . وقصبه نک بازاری کونی دلال واسطه سیله
اهالی یه اعلان اولنوب . طالبی ظهور ایدوب ایتمدیکی
سریعا یازملق اوزره هر قضا یه بشقه بشقه مکتوبلر
کوندرلمشیدی . شمدی یه قدر اقتضاسی اجرا ایدلمش
اوله جغندن . قضا کز قریه لرینه آیری آیری ویاخود

طوپدن طالب وارمیدر . واولدینی صورتده ویره جکی
بدل ندر . ویاخود کینه طالب ظهور ایدوبده کینه
ایتماشمیدر . بورالینک کوزلجه . و بوراده دخی دیگر
برمزایده دها ایدیله جکندن وقت کچمکسزین سریعا بیانی
وابسته همتلریدر .

(مضبطه اوله رق جوانی)

اعشار مزایده سی حقنده تعمیماً یازیلان امرنامه
متصرفیلری مال والاسی معلوم عاجزانه من اولمش
وهان اقتضای وجهله یازیلان مزاد پوصله لری دلال
واسطه سیله اعلان اولمش ایسه ده بیانه حاجت
اولدینی اوزره بورانک اهالیسی چفتجی مقوله سندن
اولوب . اوله اعشار درعهده ایدر طاقیدن اولماغله
کسه طالب اولیوب . انجق ملتزمیندن فلان اقدینک
بقایا تحصیلی ایچون بوراده بولنان آدمی طوپدن قضا
اعشارینه ویرمش اولدینی بدل پوصله سی یدندن النان
برقطعه سند ایله برابر لفاً تقدیم قلنمش اولدینی بیانیه
مضبطنه عاجزانه من ترقیم و تقدیم قلندی . اولبایده امر
و فرمان .

(قېۋ چوقدارينه)

بوكره فلان محله كاشن متصرف اولديقمز عرصه يه
طالب ظهور ايلديكي باتلغرافنامه اشعار اولمش .
وعرصه مزبوره يي اويله على العجله صاتمق افكارنده
اولديغمدن بوبابده بردنبه رأى ويره ميه جكم جهتله
اول امرده كيفيتك ايوجه آكلاشلمسى لازمه دن كورنمش .
اولمغله ظهور ايدن طالب كيمدر . وقاج غروشه قدر
آلمغه نيتى واردر . وآچمى نه صورتده ويره جكدرد .
اوزون اوزادى مكاتبه يه حاجت قلامق ايجون بورالرينك
اطرافيله كوزلجه تحقيق واشعارى متوط همت بهيله ريدرد .

(جواب)

عرصه دولتلىرى حقنده كشيده قلنان تلغرافنامه
عاجزى يه جواباً استعلامى حاوى رسيدة موقع تعظيم
اولان امرنامه منعمانه لرى مأل عالىسى معلوم چاكرانم
اولمش . واراده سذيه ولى النعميلرى موجبنجه واسطه
اولان ذات ايله كوريشوب . كيفيت اطرافيله صورلدقده
الاجق ذاتك كيم اولديغى سويلميوب . انجق جوارنده

صاتیلان عرصه لری امثال طوته رق بهر آرشوننه
 یارمشر لیره دن نصفی پیشین . و او بر نصفی دخی کله جک
 مارت غایه سنده و یرمک اوزره اولمقدار قونسولید رهن
 ایده جکنی خبر و یرمش . اولمغله اراده دولتری نه
 مرکزده متعلق اولورسه اقتضاسنک اجراسنه مسارعت
 اولنه جتی بیانیله عریضه جا کری تقدیم قلندی . اولبابده
 امر وفرمان .

(درسمعادتن طشره متصرفلغنه استعمال)

ملتزمیندن مناسترلی فلان افندی ذمتنده معلوم عالیلری
 اولان خصوصدن طولایی الاجم اولان شوقدرغر و شک
 اداسنه برسنه وعده استمش . وقارشولق اوله رق زیر
 اداره سندیله لرنده کائن متصرف اولدینی نام چفتلککی
 رهن و یره جک اولمش . ایسه ده مذکور چفتلکک
 احوالی بنده لرنجه مجهول اولوب . اولا جانب عالی
 کریمانه لرندن تحقیقی ایجاب ایلمش اولمغله . مذکور
 چفتلک افندی مومی الیهک عهده سنده میدر . اولدینی
 حالده نه مقوله اراضیدندر . و قیمتی نه قدر در . و حین
 حاجتده صاتیله جق اولدقده مشتری بولنه بیلورمی .

بورالرينك لازم كلنلردن اطرافيله بالتحقيق لطفاً وعاطفة
اشعارينه همت سنيه لريني استدعا . وسيله نأكيد خالصت
اولمشدر . اولبايده . وهر حالده امر واراده حضرت
من له الامر كدر .

(جواب)

ملتزميندن فلان افنديك بوراده متصرف اولديني
فلان چفتلكك تحقيق احوالنه دائر شر فوارد اولان
برقطعه كرمنامه والالري مالى معلوم خالصانه اولمش
وكيفيت بيانلردن لدى السؤال مذكور چفتلك ملك
اوله رق افندي مومى اليهك عهده سنده . وقيمتى دخی
اول مقدار غروشدن زياده ايسهده . بورالرده بك
اوقدر اسحاب قدرت وزنكين ادملر اولمديني جهته
حين فروختنده مشترى ظهور ايدوب ايتيه جكي قطعياً
معلوم اوله ميه جنى جوابى آلمش . اولديني بيسانيله ترقيم
جوابنامه محاصى به ابتدار قلندي اولبايده .

(متصرفلقدن ولايته)

دولتلو والى پاشا حضر تالرينك دوره چيقه جقلرى .
واك اولكه بزم سنجاغى تشریف بيوره جقلرى استخبار

اولمقدنناشی . اسباب استراحتلرینی تدارك فریضه ذمت
عبودیت اولوب . شمدیدن اقامت بیوره جقلری محلك
حاضر لئمی . ورمم استقبالك اجرایی . ضمنده اولا
معلومات لازم كلکین ، قنی کون حرکت . ونه طریق
ایله عزیمت . بیوره جقلر . ومعیت دولتسلرنده کیملر
بولنه حق . اولدیغك لطفاً تحقیقه سربعا اشعاری متمنای
خالصانه اولمغله اولبابده لطف وکرم افندیمکدر .

(جواب)

دولتو ولی نعم ولی پاشا حضر تلرینك کیفیت حرکت
وعزیمتلرینك استعلامی حاوی کمال تکریم ایله الدیغم
تحریرات سنیلری موجبجه . كرك حكومت مأورلرندن
وكرك دائرة دولتلری خلقندن اولسان تحقیقاته كوره .
اشبو آيك بشنچی کونی حرکت . ویالکدر مجلس اداره
باش کابی ایله مهر دارلری افدیله برابره . بوسته یولندن
عزیمت بیوره حق . وکونده التیشر ساعت کیده جقلری
جهتله . مرکز مأوریت علیه لرینه اوچ کونده واره جقلری
آکلاشلمش اولمغله . بیان حاله مبادرت قنادی . اولبابده
امر واراده اقدمکدر .

﴿ فصل سابع ﴾

(اقربا مکتوبی حقنده در)

اقربا مکتوبی . یوقاریده کچن هر درلو نحریر اتدن
 یازیلور سده یسانجی یه یازیلان کبی تکلفلی اولمز .
 (بو مکتوبلرک دخی رکن مخصوصی اولیوب زیاده .
 واتمام مبحثده کچن قواعد وجهله مقصودینی کوزلجه
 دوشونوب کوزلجه افاده ایتلیدر . انجق جوابنده انها
 لازم اولدینی مثللو نه زمان واردینی . وضایع اولوب
 اولدینی . معلوم اولق ایچون . تاریخی قویق دخی
 رکن لازم صاییلور . (اکر مکتوب یازیله لی چوق
 اولوبده محله کج وارمش ایسه . هم مکتوب تاریخی .
 وهم واردینی تاریخ وضع اولنور . مثلاً فلان تاریخ
 ایله مورخ مکتوبکنز . فلان تاریخده واصل اولدی .
 دیمک کبی . و بو اقربا مکتوبلریده یوقاریدن آشاغی
 معناسی مربوط اولور سده لفظاً مربوط اولق لازم
 اولیوب . بر قاج فقره ده بر کره بتوروب یکیدن
 باشلامق دهاکوزلدر .

(اوغلندن بدرینه)

در سعادتن حرکت عاجزانه مک ایکنجی کونی خیر
 دعای پدرانه لر یله محل مأموریت عاجزانه م اولان
 (از میره) واروب . مأموریتیم امرینی دولتلو والی
 پاشا حضرتلرینه تقدیم ایله ایرتسی کونی خدمت
 کمترا نه مه باشلادم . باطفه تعالی هوا بر درجه کوزل
 و لطیف ایدی . که طالع اولمقدن بشقه . اوفق
 قاتی دخی اولیوب . ماهتابه دخی تصادف ایتمکله .
 کوکرتده ساعت آنتی یه قدر یوخلیلرک ترکانی
 شر قیلر یله اکنه رک . سایه عالی ولی النعمیلرنده
 (قره ده) کمال راحت و صفا ایله وارلمش و (از میر)
 ایسه بر شهر عظیم اولوب . هر شیتک اعلاسی
 بولندیغندن شم دیلک بر کوزل اولده اوطور مقده
 ایسه مده . اسباب راحت مکمل اوله رق مناسب بر خانه
 بولندقدنه نقل اولنه جفی درکار بولنش . اولمغله کیفیت
 وصول عاجزانه مک . وجهله یه علی مراتبهم خلوص
 وسلامک . مرحمة تبلیغی باینده امر و فرمان ولی نعمتم
 اقدامکدر .

(جواب)

باعون وعنايت جناب بازى (از ميرم) كمال حضور
وراحت ايله وصوللارى مژده سنى حاوى تحريات
فرزندانه لرىنى فوق الغايه مسروريتله آلدوم . ودعاى بيرىاي
موفقيتلىرى تكرر تكرر عرض بارگاه اجابت ايلدم .
عنيمتلىرى كيجه سى بوراده براز پو يراز اسمش اولمسيلاه
خيليجه مرق ايتمش ايسه كده . حمد اولسون ياز
روزكارى اولمقلا دكزه دو قنمدينى آكلاشلمشدر . ارتق
راحت اسبابى تدارك ايلد كدنصكره مكتوبده اهمال بيورميوپ
دائما پيام عافيتكيزله جمله مزي مسرور بيورمكز مسترجاى
پدرانه مدر . او غلام اقدم .

(اوغلندن پدرينه)

برادرم حسنى بك بنده لرينك مكتبلرينك اشبوتعطيلي
هنكامنده طرف عاجزانمه ارساله مساعده بيوريله جنى
قپو چوقدارى بنده لرينك تحرياتندن استبشار اولمش
ومير مومى اليهك بو طرفه كلسنده هم تبديل هوا .
وهمد تزه ايتمش اوله جنى . و بر سنده دنبرو بربرمزه

اولان تحسردن آزاده اولنه جفی جهتهله فوق الغایه موجب ممنونیت عاجزانه ام اولش ایسه ده . کراجی ومنزل حیوانلریله عزیزتمده بک زیاده زحمت چکه جکندن بورادن ضبطیه و آدم ایله برابر مخصوصا (اکری) حیوان کوندرلمک اوزره . اورادن حرکتی کونی (تلغراف) کشیده بیورلمسنى . واندرون ویرونه اولان سلاممك صره سیله تبلیغی استرحام ایدرم اولبایده وهر حالده .

(جواب)

فی (۲۳) جمادی الاخره سنه (۸۷) تاریخیه مورخ وفلان تاریخده رسیده دست ممنونیت اولان تحریرات سنیه فرزندانلرنده برادرلرینک اورایه عزیزتی کونی . آدم . حیوان . کوندرلمک اوزره تلغراف چکلمسی افاده اولمش . وفی الواقع مومى الیهـك سزى کورمکه بک ارزوسی اولوب . براز تحافتی جهتهله کیدوب کلشده وجودجه خیلی فائده مأمول اولقله . اشبو املنه مخلصلری دخی موافقت ایدرک . کیفیت کچن هفته صوب والالرینه اشعار قلنمش اولسیله شمدی به قدر

تفصیل معلوم والالری بیوریله جفندن . وادم کوند رملک
خصوصی دخی پک اصابت اوله جفندن . ان شاء الله
(رجب) شریفک اون بشنده حرکت ایدن (وارنه)
واپوریله عزیمت ایده جکی . وجله نك حد اولسون عافیتده
اولوب علی مراتبهم عرض خلوص وسلام مخصوص
ایلدکاری . بیانیه شقه محبی ترقیم قانندی اوغلم اقدام .

(والده سندن اوغلنه)

نور دیده حسرتکشم اوغلم اقدام .
برآیدن بریدر طرفکزدن مکتوب آله مدیغمدن وچکن
کون بر آدم کلوب بر قوطی (بال) بر افوب مکتوب
یوقدر دهرک چیقوب کتدیکنندن . بر درجه مراق
وافکارده قالدیم که کیجه کوندز حضور و آرام قالدی
هو الرک سرد اولسیله بوسته واپوری کلدیکی خبری
آلنوب براز متسلی اولمش ایسه مده (بال) کتورن
آدم مکتوبک نهدن "ئی اولدیغنی سویلمیوب کتد کدن
صکره بردها کلدیکنندن . بوده بشقه جه اندیشه
اولمشیکن . هله بزم احمد سوقاقده راست کله رک ایوجه

سؤال ایلدکده . کندوسی سزه یولده راست کلوب
برکودن آلمش اولدیغکز مذکور (بالی) مرقومه
تسایما کوندرمش ایسه کزده . مکتوب یازمق ممکن
اوله مدیغنی واستانبولده کندوسنک ایشی چوق اولغله
کلوب اکلاده مدیغنی . بیان ایتسیله جناب حقه هزار
تشر . وعمر عافیتلری دعاسنی تکرار ایلدم . بوندن
بویله دخی نه درلو اولورسه مکتوبک آره سنی کسمیوب
قلب محزونگی تسلیه بیورملرینی نیاز ایدرم . بوراده
حمد اولسون جمله عافیتده اولوب برادرلرک . وخلا یقلر
اتکلرینی اوپرلر اوغلم افدم .

(جواب)

شفقتلو حقیقتلو والدۀ عزیزم افدم حضرتلری ،
طرف عاجزانه مدن مکتوب آله مدیغکز . (وبال)
کتورن آدمک مناسبتسزلکندن مراقده قالمش اولدیغکز
بیانیله جمله نیک تبشیر عافیتنی مشعر . فلان تاریخیله
برقطعه تحریرات مادرانه لرینی زیاده ممنون اوله رق
الدم . مکتوبک اول صورتله آراسی اوزامسینه سبب
کرچکدن پوسته واپورلرینک کیده مامسی اولوب !

بنده حسب الایجاب قضالره جیقمه لازم کلوب .
 کیدر کن بر مکتوب براقش . و صکره اقتضاسنه کوره
 بر آی قدر اکلنمش . اولدیغمدن نشأت ایتمش . ایسه ده .
 یولده اول آدمه راست کلوب **ک**ویلرده وعافیتده
 اولدیغمی خبر ویرمسنی تنیه . و اوک محلی تعریف
 ایتمش . ایسه ده . سر سملکنندن او قدر بجره ییلمش
 اولغله . واقع اولان قصورمک عفونی استرحام .
 ایدرم . آرتق موسمهجه . وایشجه . باطفه تعالی
 بر مانع اولیه جفندن هر هفته عریضه ده قصور اولمز
 ایسه ده . مکتوبک (اجتهده) قالمسی و پوسته ده ضایع
 اولسی . و یاخود بولنماسی . احتمالری دخی اولغله
 اولیه واهی افکاره ذاهب اوله رق مراقده قالماملری
 دخی عاجزانه اخطار . و هر نه قدر دکرلی شی دکلسه ده
 بورانک محصولندن بر مقدار
 تقدیمه اجتسار . قلندی . برادرلرک کوزلرینی اوپر .
 و خلائقلمه سلام ایدرم . تبلینی باینده لطف واحسان
 والدۀ محترمه افندم حضرتلرینکدر .

(حرمندن مکتوب)

معروض جاریه لریدرکه

اون بش کوندن بری بک برادرم بنده لری بعض
تعمیرات ضمننده یالی به کیدوب قالمش اولدینی کی قبو
چوققداری بنده لری دخی هیچ اوغرا مدیغندن تقدیم
عربضه ده قصور اولنمش ایسه ده کچلرده ایکسی بردن
وارد اولان کرمناسمه عالیلرینک جوابی اول زمان
کوندلرش ایدی. اشته شمدی به قدر طرف منعمانه لرندن
دخی تحریرات آله مدیغمزدن بویله اراسی اوزامسی وایکیسی
بریره کلمسینک سببی نه اولدینی بیلنه مدی انحق مطلوب
عزوعافیتلری اولوب. بودخی قبو چوققدارینه کلان
امرنامه لرندن استبشار اولنقله. درگاه کبریاه حمد و ثنا
ودعوات مفروضه لری تکرار ادا. قلندی. تقدیم
اوله حق اوفق تفک شیلر واریسه ده برادرم بنده لری
پوسته ایله تکلفی اولور. یقینده کیده جک بر آدم
ایله تقدیم اولنمی مناسبدر. دیو توقیف ایش. وخاصة
خاکبای سامیلرینه یوز سورمش. اولدینی. وخدیجه
جاریه لری هر هفته بک بابام بکا نه کوندلرش. دیو
صورشدن مقدمه ایدوکی. معلوم ولی النعمیلری بیوردلقد

هر بار پیام مسرت انجام عافیت لریله جمله مزی دلشاد
بیورملری استدعاسیله تقدیم عریضه جرات قلندی .
اواباده وهر حالده .

(جواب)

فی (۳) رجب (۸۷) تاریخیه مورخ بعض افاداتی
متضمن کلان تحریرات عصمت کزینلری مآلندن جمله کزک
عافیتی استفاده اولمغله . آشوری مسرور اولدیم حالده
دعوات خیریه لرینی تکرار ایلدم . برادرلری سعادتلو
بك افدمزك تحریرات خصوصنده طوغریسی ابدال
بیوردقلری همتدن طولایی نصل تشکر ایده جکی بیله مم .
قبو چوقدارینك دائما قوناغه اوغرامسی کندوسنه
تانیسه اولندیگی کی . بوکره دخی تکرار ایدلمشدر .
مکتوبلرک مشوش وارمسی پوسته نك نظامسزلغندن
نشأت ایدر . ودائما واقع اولور مواددن اولمغله مراق
بیور ماملیدر . ارسال بیوریه حق اشیا هر نه ایسه زیاده
تشکر . وورودینه انتظار ایدرم . نور دیده م . کریمه مه
بوراده کوندره جک مناسب برشی اولمامغله بوکره
باپولیچه بشیک غروش کوندریلوب . قبو چوقدارند
اخذ اولندقدمه مناسب برشی التهرق باباک کوندرمه

کندوسنه ویرلسی . ومیر مشارالیه حضرتلرینک
خاکبای غالبینه یوز سوردیکمک افاده سیله . درت
کوزایله بکلمکده اولدیغم خبر مسرت اثر صحتکزله .
منتدار بیورملرینی تمی ایدرم اقدام .

(برادرندن برادرینه)

بحمدہ تعالی وجود عاجزانہم صحت اوزره اولدینی .
ومعلوم عالیٰ دادرانہ لری بیورلدینی . وجہلہ . بوسنہ
رمضان شریف اوزون کیجہلرہ تصادف ایلدیکی
جہتلہ . اوروجک اصلا زحمتی اولیوب فقط طشرہ
رمضانی استانبول کبی اولیہ جغندن . براز جان
صیقیلورسہدہ . مأموریندن بولنان آرقداشلر ایلہ وقت
کچورلمکده . وباطفہ تعالی . عید سعید . دخی ایکی
کونہ قدر کلکده اولسیلہ . ربم تعالی امثال کثیرہ سنی
بالعافہ مشاہدہ ایلہ حق والای منعمیلرندہ مسعود
بیورسون . ثمرۃ لطف وتوجہات سنیلری اولہرق
کچنلرہ طرف عالیٰ ولایتناہیدن حق چاکرانہمدہ انہا
والتماس بیوریلان رتبۃ ثالثہ نک . رؤسی . کلش اولمغلہ .
بونک ایچون مخصوصا انکلرینی اور . وکچنلرہ اوتانہرق .

رجا ایتمش اولدیغم ثواب و اشیانک شمدی به قدر ارسال
بیورلمش اولدیغنی بیلدیکمندن . بوندن طولانی دخی
آریجه تشکر ایدرک ایچلی طشلی رسم سلامک صره سیله
تبلیغه عنایت سیه لرینی استرحام ایدرم .

(جواب)

حلوایه شریف و انان عیـ شریفک تبریکنی . و حمدله
تعالی عافیتده اولدتلری . تاشیریله عهدۀ استیمالرینه
توجیه بیوریلان رتبه ثانیه مک تشکرینی حاوی .
فی (۲۹) رمضان . سنه (۸۷) تاریخله مورخ امله زیب
احترام اولان برقععه تحریرات مکارم غایات دادرانه لرندن
استفاده ایلدیکم ممنونیت و استبشار . لسان قام ایله ادا
وانه حبیب کی دکلدر . عید سعید . مذکور حق عالیرنده
دخی متیمن و مسعود . ونجه امثالی بالعافیه ادراک ایدرک
جمله من مظهر لطف معبود . اومق دعواتی آریجه ادا .
وبالخاصه رتبه بهیه لری انشاء الله تعالی نیجه بیوک مرتبه لره
مقدمه اوله جفتی تمی . و تهنیتله . خبر عافیتلرندن
درکاه باری به عرض تشکر و ثنا . قلتمشدر .
شریفده مقدم سپارش . و بوکره سؤال بیورلمش

البسه و اشیاء ساثره الدن کلدیکی قدر بکندر مکه اوزه نوب
تمیزجه اولسنه غیرت ایدرک . و مقبوله کجه جکنه کوه نهرک .
ماه مزبورک اون بشنده کوندرلش ، اولمغله شمیدی به
قدر واصل اولمش . و پیام عافیتلرینک تبشیریه اشیاء
مذکورہ نک کیفیت وصولک اشعارى . همت علیه
دادرانه لرینه متوقف بولمش . اولمغین . اولبابده اراده
افندمکدر .

(اشبو مکتوبلر تبرکاً فراشیت مکتوبیلہ تذیل اولنمشدر)

فضیلتو زهادتو افندی جمیل الشیم حضرتلری .

صوب مخلصی به سزاوار بیوریلان موالات شریفه لرینک
بقاسنی . و مکّه مکرمه (و یاخود مدینه منوره) ده حائز
اولدیغم فراشیت (یاخود زورق) خدمت سزیه سنک
و کالّه حسن ایفاسنه همت بیورلدینی . افاده سنی شامل
(تحریرات) و (هدیه) متبرکّه حجازیه لرى . بالوصول
ممنونیت وفیره حصّوله کلمش . و خدمت مذکورہ نک
کماکان اداسیله حق عاجزانه مده خیردعالی بیسدریغ
بیورلمق تمنیسیله (شو قدر غروش) هدیه ناجیزانه
لفاً کوندرلش . اولمغین لطفاً قرین قبول بیوربله رق .

بعد از بندگی توجهات بهیه لریله صوب مجانه مز دلشاد
بیورلق . مسترجای خالصانه مز در افندم .

(تذیل تذکره بیانده در)

(تذکره) نك تعریفی یوقاریده کچدی .
آنحق اقسامی اولان (خصوص) و (التماس) و (دعوتك)
هربری بر قطعه ده ذکر اولنور .

(قطعه اولی خصوص تذکره سی)

(حقنده در)

(خصوص) تذکره سی بیانی (مکتوب) کبی اولوب
یازیله جق ماده هر نه ایسه صوره جق یری قالمیه جق
صورتده کوزلجه آکلاتماید .

جواب . یازیله جق اولور (اکر تذکره نك ســند
ایدیلوبده صاقلانسی لازم کلورسه . بشقه کاغده
یازیلوب عاده (مکتوب) انهاسی کبی کلان تذکره نك
اجمالاً مالی بیان اولملیدر .

(واکر صاقلانسی اقتضایتمز ایسه کلان . تذکره نك .
برایکی بر مق اشاغیسنه قارشولنی یازیلور .

بو حالده . اها . اقتضا ایتیموب یالکز تذکره کزک مالی

ویاخود مال اشمارکز آکلاشدی . دیمک کفایت
ایدر . وتذکره نک درونی تمهیر اولنیوب امضا
ایدیلور .

(تذکره)

اشبو تعطیل هنکامنده قواعد مطالعه سیله مشغول
اولنیوب . برازده اکلنجه ایله راحت ایتک مراد
ایلدیکمدن نزد عالیرنده فلان کتاب نسخه سی واریسه .
لطفا حامل ورقپاره عاجزی به تسلیم ارسالی وابسته
همت علیه لریدر اقدام .

(جواب)

اشبو تذکره علیه لری مالی معلوم بنده کی اولمش .
و کتاب مذکورک خطی براز اوینغونسز . ایسه ده .
امرلرینه امتثالا مع القصور تقدیم قلمشدر . اقدام .

(تذکره)

بوکره فوق العاده بعض مصارفک ظهورینه منبی
آچیه لزوم کورنمش . واسهام عاجزینک بر ایکی ماهه
قدر آنجه آلمسی مأمول بولنمش . اولمغله ذات عالیلری
اوز قرنداشم کی اولدقلرندن . اگرچه نزد والالرنده

موجود فضله آچه اولوبده شمدیلک لزومی یوق ایسه .
لفا تقدیم قلنان تقسیط کاغدلرینک توقیفیه حاوی اولدینی
مقدار آچه نك اعطا واحسانی منوط لطاف عالییر یدر
افدمنر .

(جواب بشقه کاغده)

ینمزده کی قرنداشلغه بنا بودفه لزومی اولان بر مقدار
آچه نك اعطاسنی آمر تقسیط کاغدلرینک لقیله وارد
اولان تذکره والالری مألّی معلوم چا کری اولدی .
ذات عالییرینک اقراری وجهله تعلقمز بر کمال اولدیغندن
سزه عائد اولان هر برایش قولکنزک دیمک اولمغله اصلا
تکلفه حاجت اولمیرک امر بیوریلان مقدار مبلغ اغا
بنده لرینه تسلیم کوندرلش . و بزجه او یله یبانچی کبی
تأمینات اقتضا ائیمه جکندن تقسیط کاغدلری دخی اعاده
قلنمش اولمقین اولبابده اراده افدمکدر .

(تذکره)

تکفور طاغلی عائشه قادینک کتوردیکی شیلردن
توکنمه دن بزده المق ایچون اکر بوکونلرده سزه کلورسه
لطفا یاننه بریسی قاتهرق بزده کوندرلشنی رجا ایدرم
افدم .

(جواب)

مأل تذکرہ معلوم عاجزانہم اولدی مزبورہ اوچ کون
صکرہ بزہ کلہ جک . و اصہارلدیغمز تازہ و کوزل
صوجقلردن دخی کتورہ جک . اولمغلہ انشا اللہ کلدکدہ
سودننہ ایلہ کوندریرم اقدام .

(تذکرہ)

جناب حق افندیلمی عاقبتدہ دائم بیورسون بو کونلردہ
براز راحتسز اولدیغمدن تصحیح مزاج ایدنجیہ دک قلمہ
کلہ میہ جکمدن ولی نعم اقدامی حضرتلرینہ لطفاً تبلیغ
بیورلمسنی استرحام ایدرم اولبابدہ ارادہ اقدامز کدر .

(تذکرہ)

کچنلردہ احسان بیورلمش اولان شوقدر غروش بوکرہ
مع التشکر تقدیم قلنمش اولمغلہ وصولنک لطفاً اشعاری
بابندہ امرواردہ اقدامکدر .

(جواب)

اشبو تذکرہ علیہ لریلہ مبلغ مرقوم تماماً کلش .
وقوللرینہ شمذیلک لزومی یوغیکن مزاج دولتلی
اقتضاسنجہ تعجیل بیورلمش . اولدینی بیسانیلہ ترقیم
جوابہ ابتدار قلندی اقدامز .

(تذکره)

مقدمه احسان بیوریلان کتاب ایله سایه غایتلرنده
خیلی استفاده . وبوکره درس وقتی یاقلاشمش اولمغله
ینه سوی سامیلرینه اعاده . قلنمش اولدینی بیانیله
تذکره عاجزی ترقیم قلندی اقدام .

(جواب)

مال اشعار والاری معلوم اولمش . وکتاب مذکور
دخی کلمش . اولمغله معالتشکر جوابه ابصار قلندی اقدام .
(تذکره)

فلان محله کائن کر اخانه لرینک مستأجری قونطور اتوسی
مدتی تمام اولدقده حقیقه جفی خبر ویرلش اولمغله .
مدکور خانه ینه کرایه ویر یله جک ایسه احبادن بریسی
طوته جفندن قاج غروشه ویر یله جک . ونه قدر مدت
مقاوله اوله جفنگ . اشعاری وابسته لطف وکرملیدر
اقدام .

(جواب)

مال اشعار والاری معلوم چاکری اولمش . ومذکور
خانه ینه کرایه ویر یله جک ایسه ده . یایله جق یرلری
اولوب کوزلجه تعمیر اولنق اوزره . هم الی ایلی

پیشین ویرمک . و همد تجدید اولنه جفندن . اسکی بدلنه . یوز غروش ، دها ضمله ماهیه درت یوز غروش اولوق . اوزره برسنه لکی قونظوراتو ایدیله جک اولمغله . موافقت ایلدیکی حالده طالبک کلوب برکزه کورمسی خصوصنک کندوسنه تبلیغی بابنده اراده افندمکدر .
(قطعه ثانیه التماس تذکره سی)

(حقنده در)

(التماس) تذکره سی بشقه سنک استدیکی شیئی رجا ضمنتده یازیلان (تذکره) در . طرزی (عرض حال) کبی اولوب رکترلر مطلب صاحبک تعریفیه اسمنی . واستحقاقی . و ایشنه کوره شایان مرحمت اولدیغنی . بیان ایله . کوندریلان . ذاتی . مدح . و مطلبی رجادن عبارتدر .

اشبو نوع تذکره لر اکثریا . رسمی وعادی . اولدیغندن جواب یازلیوب مکر یازان یک مرعی الخاطر اولوبده ایشیده التزام ایتمش اولورسه . یا قبول . و یا اعتذاری حاوی جواب یازیلور .

(تذکره)

بروسه لی افندی ذاتاً اشراف و خانداندن

حاله حسب القدر شمدی بی قدرت اولوب مخدومی
فلان افندی بنده لرینک مکتب سلطانی به بلا اجرت
مرحمة قبول بیورلمس بی مقام عالی نظارتیناهی لرندن
باعرض حال استدعا یتش . وکندوسنک مرحمت ایدیله جک
حاله اولدینی نزد چاکرانه مده دخی معلوم اولوب
بومثللور حقنده مساعدۀ جلیله آصفانه لری اسرکنمه جکی
اشکار بولنش . اولغله ممکن ایسه مطلوبنک استحصالنه
بیدریغ لطف و غایت بیورلمق بابنده وهر حاله .

(جواب)

مأل اشعار والالری معلوم ثناوری اولمش . ومکتب
مذکورده شمذیلک آجیق محل اولیوب ایلروده النق
اوزره دفتر مخصوصنه قید ایتدیرلمش . اولغله اولبابده
اراده افندمکدر .

(تذکره)

افندی داعیلری معلم خانه نوابدن چیقمش . وطرف
محبانه مه متعلق بولنش اولدینی جهته . اهلیت .
واسقامت . وکوزل . اخلاق . وسیرت . اصحابندن
ایدوکی معلوم عاجزانهم اولوب . لیاقت . وکشی زاده
لکنه کوره بر مأموریتله قایرلمسی . شان عالی اقتضاسندن

ایکن هر فصلسه شمدی به قدر قالمش . ومومی الیهک
 بشقهسی کی طوتلمیوب محلی یقین ومعاشی اداره سنه
 الویرر بر نیابته مسروریتی مستلزم ممنونیت اوله جنی
 درکار بولمیش . اولمقله کیفیت ذات عالی حضرت
 فتواینهای به بالا فاده . اراده علیه لرینک صوب مخاصی به
 اشعاری منوط همت بهیه لریدر .

(تذکره)

تبعه دد محمد اغا ایشکدار . و صداقتی بنده لری اولوب
 بوشده و حال ضرور رتده قالمقله مأموریت دولت لری
 جهتیه ایجابی وار ایه مرقومک خدمت علیه لرینه
 قبول بیورلمسی . منوط امر و اراده سنیه لریدر اقدام .

(تذکره)

مخدوم بحبات موسوم لری حمدی بک چو جقلق
 حکمنجه بیلیمیه رک بر صوج ایتمش . ایسه دهه . حقنده
 اجرا بیوریلان معامله تهدیدن متأثر اوله رق بردها
 رضای عالی ولی التعمیلرینه مغایر حرکته بولنماغه
 عزم ایلمش . اولمقله مقتضای شفقت وعنایت لری اوزره
 میر مومی الیهک خاطر ناجیزانه ام ایچون . بوسفر کی

صوچنك عفوينه مساعده بيورملرينى استرحام ايدرم
اولبايده امر واراده افندمكدر .

(تذكرة)

مرکز پوسته مأمورى افندى

بنده لرى سايه لطف وعاطفتلرنده متمم ايسده .
چولق چوجق صاحبي اولغله . معاشنك يتشمديكى جهتله
ضرورت چكديكندن . واقندى مومى اليهك طرف
بندكاهمه مناسبتى بولنديغندن . معاشى دها زياده جه
بشقه بريده تحويل مأمور يتيله ايكمز بدن . مسرور
بيورملق بابنده امر واراده افندمكدر .

(جواب)

مال تذكرة سنيه لرى معلوم چاكرانه م اولدى . فى الواقع
افندى مومى اليهك معاشى دون اولوب . تحويل
مأمور يتيله مسروريتى بنده لرنجه دخى ملتزم ايسده
شمديلك آچيق محل اولماغله ان شاء تعالى مناسب بر
محل آچيلدقده . اول باول مومى اليه ويريله جكي بيانيله
ترقيم جوابه ابتدار قلندى اولبايده . امر واراده
افندمكدر .

(قطعه ناکه دعوت تذکره سی حقنده در)

دعوت تذکره سی دخی دیگر تذکره لر کبی اکثریا
جواب اقتضا ایتیموب زکنلری . سبب دعوت . بودعوتدن
عبارتدر . بعض کره جواب لازم کلدیکی دخی اولور .
(تذکره)

بکره تعالی مخدوم چا کری فلان بک بنده لرینک ماه
حالك سسکزنجی پنجشنبه کونی جمعیتی استحضار اولنان
عقد نکاحنده افدمزک دخی لطفاً بولنلرینی استرحام
ایدرم اولبابده احسان افدمکدر .

(جواب)

مأل اشعار والالری معلوم عاجزی اولدی ربم تعالی
مبارک بیورسون . اشبو جمعیت عقدده بولمق بنده لرینک
دخی آشوری املم ایسه ده . اول کون کورلمسی لازم
اولان برایش ایچون اسکداره کچمکه دخی مجبور اولوب
انجق هم اورایه کیدمک . وهمده جمعیت مبارکه دن
محروم قالماق . اوزره اکر وقت مختار ارکن ایسه
جمعیتده بولوب صکره اورایه کیتسم . ویا خود کج
ایسه اسکداردن عودتده کلوب بولنسم . ایکی مطلب
بردن حاصل اوله جفندن . هر نقدر ادبسنزک ایسه ده

عفو عالیترینه مغروراً وقت مختارک استفسارینه جرأت
قلندی . اولیابده وهر حالده .

(تکرار جواب)

مأل جناب والالری معلوم خالصانه اولدی . وقت
مختار اقسام اوستی ساعت طقوز راده لرنده اولغله .
عودتده تشریف بیورلمق ممکن اوله جنی . معلوم سامیلری
بیورلدقه اولیابده امر واراده افندمکدر .

(تذکره)

چارشودن بعض اوفق تفک اله جفمدن . وذات عالیری
هرشپئت نفیسنی بیلوب اهون الدقلرندن . انشاالله بر
مانع اولمدینی حالده برلکده عزیت اولنق اوزره یارین
بنده خانه لری اړکندن تشریفه رغبتلری مسترجای
بندکاه مدر اولیابده .

(تذکره)

ماه حالک اوچنجی جمعه کیجه سی بنده خانه لرنده اقربا
وبعض احبا بولدینی حالده منظومه شریفه (مولد نبوی)
قرائت ایدیه جکندن . نائل اجر و مشوبات اولمق

ضمننده بنده خانه لری طعمامدن اول تشریف بیورلمق
اوزره اخطار و نیازه ابتدار قلندی اقدم .

(تذکره)

بلطفه تعالی کریمم رابعه جاریه لرینک یارین اقسام
عقائد ختمی جمعیتی اولوب ذات عفت کزینلرینک تشریف
موجب افتخار من اوله جفتدن نور دیده لرم خانم قزلرمله
برابر تنزلاً کیجه قالنق اوزره تشریف لری آشوری نیاز
ایدرم اولبابده احسان اقدیمجکمکدر .

(تذکره)

بعنایت تعالی اول بهارک حلولیه کزیمک موسمی کلش .
اولمغله برلکده کاغد خانه یه عزیمت اولنق اوزره رغبت
بیوریلورسه اقتضا ایدن شیر من غیر حد حاضرلنش
اولدینی جهتله لطفاً اوکیجه بنده خانه لری تشریف .
و بو وجهله عبد کینه لری تلطیف . بیورلمق بابنده
امر و اراده اقدمکدر .

(جواب)

سایه ولی الهممیلرنده کزیمک واکلنمک اوزره . اشبو
اراده نامه لری قوللرینی تشکرندن عاجز اولور مرتبه ده
ممنون ایلمش . ایسه ده نه چاره طالع معکوسم مساعدده

ایتمه رك كورلسی لازم بعض مصالح ظهور ایتمش .
اولمغله احسان علی الاحسان اولمق اوزره . ممکن ایسه
کله جك هفته یه براغلمسی . قرین مساعده جلیله بیورلمق
بابنده امر و اراده افندمکدر .

(تکرار جواب)

کز ممکن مقصد انحق افندمک معیت شرفی قزائمق
اولمغله بو هفته مانعلری بولندینی صورتده اراده
سنیهلری موجینجه کله جك هفته کیدمک دها مناسب
اوله جنی معلوم والالری بیورلدقده اولبایده .

(تذکره)

خدمتده بولدیغم فلان درگاه شریفده . اشبو بازار
کونی قرائتی تصمیم اولسان منقبه (ولادت نبویه)
علیه اکمل التحیه . جمعیتندن حصه یاب اجر و ثواب بیورلملری
ایچون تشریفلری نیاز و اخطار اولنور اولبایده اراده
افندمکدر .

(تذکره)

بحمده تعالی کوچک مخدوم کوله لرینک بدآتعلیمی ایچون
اشبو پنجشنبه کونی اجراسی مقرر اولان جمعیتی تشریفلری
متمنای بندکانه اولمغله اولبایده .

(تذکره)

اشبو اوکزده کی بازار ايرتسی کیجه سی فلان و فلان
افندی برادرلری افطاره لطفاً بزه رغبت بیورجقلری
وافدمنر مجلسمک موجب شرف وزینتی اولدقلری .
جهتله بازار کونی ایکنیدنصکره جمله مزبایزیدجامع شریفنده
مؤذن محفلی التده تشریفلرینه انتظار ایده جکمزی
هیچ برعذر و بهانه یه محل قالماق اوزره شمیدین
عرض واسترحامه اجتسار ایدرز . اولبایده لطف و کرم
افدم حضرتلرینکدر .

﴿ باب ثالث ﴾

(سندات بیاننده در)

(سند) برایش حقنده ایناندرمق ، و یاخود تقویت
و یرمک . ایچون یازیلان . کاغددر . که حین حاجتده .
دلیل . و شاهد . اوله رق کوستریلور .
(سند) ک ایکی نوع واردر .
(نوع اول) صرف ذمته متعلق ماده ایچون اولان
(سند) لردر .
(ذمت) دخی بر آدمک و یردیکی سوز . و ایلدیکی عهد
دیمکدر .

(بورج) و (کفالت) و (وکالت) و (ابرا)
و (شرکت) کبی .

(نوع ثانی) عقار . و اشیایه متعلق عقود ایچون
اولان (سند) لردر .

(آلم صاتم) و (ایجار) و (استیجار) کبی .
بویکی نوعدن عموماً رعایتی لازم اولان . ارکان
وقیود (زمان) و (مکان) و (مدت) و (صفات ممیزه)
و (جهت) و (مقدار) و (شرائط) و (قیمت) و (بدل)
و (شهود) و (عافیدن) .

(زمان) سندده یازیلی اولان خصوص قننی تاریخنده
اولدینقی یازمقدر . مثلاً فلان سنهسی شهر فلانک
فلانجه کونندن اعتباراً کبی .

(مکان) خانه . و عقاره . متعلق مقاولهده بولندینی
موقعی یازمقدر مثلاً استانبولده . چاقر اغا محله سندده .
واقع کبی .

(مدت) (اودنج) ایچون ایسه نه قدر و قتده
اودنه جـك اولدینقی . و (ایجار) ایسه قاج ایلق .
ویا سنه لك ایدوکنی . یازمقدر مثلاً . طقسان برکون
وعده ایله . و یاخود برسنه لکنی . دیمک کبی .

(صفات ممیزه) خانه نك . ویا دكانك سوقاغی .
و نومروسی و ابنیه نك اخشاب ویا کار کیر اولدیغی .
(رهن) ایچون جنس و نوعی و رسمنی یازمقدردر .
مثلا پرلاتی بوروش دیمك کبی .

(جهت) اوده یه جکی شی قرضدن و یا شرکت محاسبه سندن
و یا اجرتدن و یا خود بدلی اخذ ایلدیکندن طولانی
اولدیغی یازمقدردر .

(مقدار) ویرم جکی قاج غروش اولدیغی یازمقدردر .
(شرائط) مقاوله نه اوزرینه اولدیغی مثلا کرایه
ویردیکی خانہی آخره کرایه ویرمامك و تعمیراتی
اوزرینه اولق کبی شیلرله مشروط ایدوکنی بیان
ایتمکدر .

(قیمت) برشینك دکرینی سویلمك مثلاً رهن ایدیلان
شی نه ایسه قاج غروش دکرلی اولدیغی سویلمکدر .
(بدل) مثلاً کرایه ویریلان هر نه ایسه قاج غروشه
ویرلیدیکی تصریح و جنسینی بیان ایتمکدر .
(شهود) اولئان عقد و مقاوله کیملرك یاننده
اولدیغی . یعنی اول کسه لرك اسملرینی یازمقدردر .

(عاقدين) سندی ویرن ايله الانك اسملری

بولنقدرد مثلاً آلا نك سندنك ايجنده وويره نك مهر وامضاده
اسملرى تصریح اولنور .

﴿ نوع اول ﴾

(دین تحویلی)

اشبو فلان سنه سی ذی الحجة الشریفه سی ابتدا سندن
اعتباراً اوچ آیده اودنك اوزره رهن و فائض اولیه رق
قرض شرعی اولق اوزره . احمد . و محمود . و صالح .
افدیله یاننده . حسین . افدیدن شوقدر غروش آق
(آچقه) اخذ واستدانه ایلدیکندن وعده مذکوره
حلوانده مبالغ مزبوری بمنه تعالی تماماً تأدیه ایده جکمی
مشعر اشبو مختوم تحویل اعطا قلندی .

امضا

حسن

(نه زمان) « فلان سنه سی ذی الحجة سی ابتدا سندن »
نه قدر مدتله « اوچ آیده » نه شرط ایله « رهن .
و فائض اولیه رق » شاهدلری کیمدر « افدیله
نه جهتدن « قرض شرعی » الان « حسن » ویرن
« حسین » صفت ممیزه « آق آچقه » .

(کذلك دين تحويلی)

سنه حالیه محرمی غایه سندن اعتباراً برسنده ماه بماء
 بوزر غروش اعطاسه یله اودنمک اوزره . اسماعیل .
 ونوری . عثمان . افسدیلر وغیریلر حاضر اولدقلری
 حالده تجاردن سلیمان افندیدن قرضا الدیغم بیك
 وحلالی (ساعت) بهاسنده ایکوز غروش که جمعاً
 بیك ایکوز غروش دینم اولوب . قارشولاق اوج بیك
 غروش قیمتی برعدد (یاقوت) یوزک ترهین ایلدیکمدن .
 بنه تعالی سنه سی ختامنده بوجه مقاوله . ماه بماء .
 مبالغ مزبور اودندکده مذکور یوزک اعاده . واشبو
 محتوم سندم شق اولنمق اوزره افسدی مومی الیه
 تسایم قلندی . امضا

حمدی

بورجلی کیمدر (حمدی) الاجقلی (سلیمان) شاهدلر
 (اسماعیل . نوری . عثمان) مقداری ندر (۱۲۰۰)
 نه زمان (محرم غایه سنده) نه قدر و قتده (برسنه)
 نه شرطله (ماه بماء اودنمک) نه جهتدن (قرض
 ودور شرعی ایله)

(صراف تحویلی)

اشبو سنه رومیه (تشرین اولی) ابتدا سنده یکی خاندہ
مقیم معتبران صرافادن . فلان اوغلی . هوجه . فلاندن
بروجه بالا (بشیک) غروش راج آچہ اخذ وقبض
ایدرک . مقابلندہ اون بیسک غروش قیمتلی برعدد .
پرلاقی . چیچک . ترهین . ایلدیکمدن . بمنہ تعالی مبلغ
مرقومی سکزغروش بر ربعدن گذشتہ سیلہ برابر تأدیہ
ایلدیکمدہ . رهن مذکور ایلہ اشبو مهرلی سندم اعادہ
اولمق اوزرہ . یدمرقومه اعطا قلندی .

(تجار تحویلی)

سکسان یدی سنہ می . مارتندہ . تجاردن (دیمترکی)
چلبیدن اخذایلدیکم شوقدر کیل بغدادیک ثمی اولان
شوقدر عثمانلی لیرہ سنک نصمی تأدیہ برلہ نصف اخری
اوج آی وعدہ ایلہ ذمتمدہ دینم اولوب وعدہ مذکورہ
حلولندہ مبلغ مرقومی ایفا ایدہ مدیکم صورتندہ اصول
تجارت موجبینجہ گذشتہ سیلہ اوددمکہ متعهد اولدیغمی
میین اشبو مهور تحویل اعطا قلندی .
کفالت ایچون اکثریا سند کنارینه تحشیہ اولنور .

مثلاً . درون (سند) ده محرر شو قدر غروشك تأديه سنه
كفيل وضامن اولديغمي مشعر اشبو محل شرح وتمهیر
قلندی کبی .

(مأمورینه کفالت سندی)

بوکره فلان محله قائم مقام نصب وتعیین بیوریلان
عزتلو . فلان بك . شاید اموال میریه دن ذمتنه آچیه
کچوردیکی تین ایلدیکی صورتده . آلدینی آچیه بی تماماً
و کاملاً وبلا مهلت مالیه خزینۀ جلیله سنه تأديه ایتك
اوزره كفيل . وصامن اولديغمي مبین اشبو کفالت
سندی جانب خزینۀ جلیله یه تقدیم قلندی .

(ذیلی)

كفيل مومی اليهك اصحاب ثروتدن اولوب کفالتی
معتبر اوله جفتی شهادۀ اشبو محل شرح وامضا قلندی .

(وکالت سندی)

مدینۀ از میرده فلان اسکله ده فلان مغازمه واقعه
باك ومنقح شوقدر کبله آرپه می رایج وقت اوزره
کچر آچیه ایله تجاره فروخت ایتك اوزره . معتبران
تجاردن احمد افندی بی فلان وفلان محضرند

توکیل و اولدخی وکالتی قبول ایدرک خصوص
مز بورده تصرفه مالک اولدیغی . مین و طرفدن وکالتی
مصدق . اشبو مهور سند اعطا قلندی .

(شرکت سندی)

اشبو سنه رومیه تموزی ابتداسینده فلان افندی
ایله طرف عاجزانه مدن بیکر عثمانلی لیره سندن ایکی بیک
عدد لیره سرمایه وضعیله . و تجارتی بینمزه یاری
یاری یه اولق . و عملی دخی مشترکا ایلمک . شرطیله
هر نوع تجارت ایچون . تجارتدن معلوم الاسامی ذوات
محضرنده عقد شرکت ایله یکمزدن . شرکت مذکوره یی
الی ماشا الله هیچ بر نوع بهانه ایله فسخ ایتمک اوزره
طرفیندن اشبو سند معمول به تمهیر و اعطا قلندی .

(ابراز سندی)

یاغ قپانی تجارتدن شریکم . فلان . افندیله مدت
شرکتیمز محاسبه سی . معتبران تجارت معرفتیله رؤیت اولوب
فسخ شرکت ایتمازه . بر بر مزده اصلا حقیمز . قالمیوب
بوخصه و سندن طولانی هیچ بروقت حبه واحده دخی
طلب . و ادعایه صلاحیتیمز اولدیغی مشعر . اشبو ابرا
مدمن طرفیندن تمهیز و تعاطی قلندی .

(پولیچه) که

(لغت افرنجیه ده قامیال تعیر ایندکلیدر)

ناقل نطقه مخلصی . فلان افندی به حسابره محسوباً
(یاخود بوراده بدلی اخذ اولمش اولغله) ویاخود
(نزدکزه اولان امتعه بهاسنه محسوباً تاریخ وصولندن
اون برکون صکره شوقدر عثمانلی ایره سی تأدیه اولنق
اوزره کشیده قلنان اشبو پولیچه نک قبولی مسترجار .

(واصل اولایوب ضایع اولدینی صورتده)

کشیده قلنان اشبو ایکنچی به ایچمک . وینه واصل
اولر ایسه . اوچنچی پولیچه مک قبولی متعادر . دیو .

(جیرو - حواله)

پولیچه هر کی مک نامنه ایسه . اول کسه بشقه سنک نامنه
نقد ونحویل ایتمکدر . که کناری . ویا آرقه سی شرح
اولنهرق امضا وتمهیر ایدیلور .

(آجیق بونو)

هر کی مک یدنده ظهور ایدر ایسه یکر می کون وعده سیله
(یاخود بلا وعده) یوز عدد عثمانلی ایره سی ویرمکه

بورحلی اولدیغمی مین اشبو سندم تمهیر واعطا
قلندی .

﴿ نوع ثانی ﴾

(صتان طرفدن مبايعه سندی)

سه حالیه محرمی ابتدا سنده استانبولده یوسف پاشا
چشمه سنده . طاش قصاب جاده سنده نومرولی
متصرف اولدیغم بر باب ملک منزلی رجال دولت
عایه دن سعادتلو . فلان . افندی یه . فلان . وفلان .
محضریده التمش برکون وعده ایله . بیک . عدد عثمانلی
لیره سه صائمش اولدیغم دن وعده مذکورہ ایچنده
شاید وازچوب صائمیه حق اولورایسم بشیک غروش
حق کول ویرمکه متعهد اولدیغمی مین اشبو مهور
سند اعطا و تقدیم قلندی .

(الان طرفدن)

سه حالیه محرمی ابتدا سنده استانبولده یوسف پاشا
چشمه سنده طاش قصاب جاده سنده . .
نومرولی بر باب . ملک . منزل متصرفی اولان
فلان . افندی دن . منزل مذکور . . فلان . وفلان

محضرندہ التمش برکون وعده ايله . بیک . عدد
 عثمانلی لیره سنه . صاتون المش اولدیغمدن . وعده
 مذکورہ ایچنده المیه حق اولور ایسم . بشیک غروش
 بدل نکول ویرمکه متعهد اولدیغمی مین . اشبو ممهور
 سند افندی مومی الیه اعطا قلندی .

(مقاوله سندی)

اشبو (سند) لر دائرة مخصوصه سنده نظاماً یازیلور
 ایسمده عاقدین طرفدن کوندریلان علم و خبره کوره
 یازیله جفتدن اول صورتله تمثیل اولندی .

(ایجار مقاوله سی)

فلان محله کائن فلان نومرو ايله مرقم متصرف
 اولدیغم برباب کارکیر خانه مک سنه حالیه رومیه .
 (مارتی) ابتدا سندن اعتباراً . برسنه لکی شوقدر غروش
 اولق ونصفی پیشین و بریلوب نصف آخری دخی
 آلتی آی مرورنده ویرمک . وخانه مذکور دروننده
 هنره یایمق استیلورسه رخصت الهرق مصرفی کندوسی
 ویرمک . ومدت مذکورہ ختامنده یایدیردینی شیلیری
 بوزمیه رق ترک ایلیمک . شرطیله . فلان . افندی به ایجار .

واولدنخی برمنوال مشروح قبول واستیجار . ایتمش
اولدیمزدن سنه مزبورہ ختسامنه دکین تحت تصرفده
اولوب . بدل ایجارینه هیچ برسیبلہ ضم اولنماق .
ومتندن اول جیقارلماق . اوزره برموجب نظام
طرفندن تعاطی اولنه حق قونطوراتوسنک تنظیمی
ایچون . اشبو عام وخبز اعطا قلندی .

امور تجارتہ دائر دیگر صورتله مقاوله سندلری دخی
• ار ایسده اشبو رساله نک مقصدینه موافق اولماغه
بو قدرله اکتما اولندی .

الحمد لله على اتمام في العشر الاول

رمضان المبارك في سنة

وما بين والفس

من له الغر

